

海秋詩集

卷十七至
卷二十



海秋詩集卷之十七

益陽湯鵬海秋撰

五言律詩

擬歸去來集杜一百六十首

或曰擬歸去來何爲而作也僕本書生走時甚拙少而無僞長益自廉稽中散豈能七堪張平子乃有四愁雨雨風風悠悠忽忽光陰幾何志氣欲老謨謀不立聞譽徒然揆厥所由吾自昧於進退消長之幾也長夏無事心正體閒覽觀

海秋詩集卷十七

卷十七

一

杜甫之詩激發陶潛之興擬歸去來得一百六十首匪我點綴杜甫迺杜甫先得我心匪杜甫萍蓬身世必與我同迺我淋漓嗚咽不主故常云爾

達士如弦直皇天實照臨侏儒應共飽出處遂何心感激時將晚淹留冠上簪夢歸歸未得爲憾與年深

青紫雖被體纖毫欲自矜英靈如過隙世故莽相仍努力輸肝膽勞歌跼寢興蕭條益堪愧時論以儒稱

自愛各馳騫從茲正羽翰我生無倚著吾道屬艱難客



夜何會著。天風吹汝寒。經過凋碧柳。香與歲時闌。
男兒行處是。歲晚寸心違。辜負滄洲願。所思煙霞微。江
流石不轉。林茂鳥知歸。每欲孤飛去。其如儔侶稀。
賦料楊雄敵。文章賈誼多。世人亦爲爾。吾道竟如何。憶
昨狂趨走。濟時曾環磨。青山若在眼。且得慰蹉跎。
應圖求駿馬。厯塊匪駘駒。禮樂攻吾短。文章敢自誣。所
親問淹泊。用意盡崎嶇。欲學鳴夷子。滄浪深可逾。
勇猛爲心極。馳驅喪我真。得無中夜舞。有愧百年身。勲
業頻看鏡。飄零且釣緡。白鷗元水宿。休作畫麒麟。

海秋詩集

卷十七

二

房杜俱交友。逢人問孔融。相哀骨可換。此日意無窮。
與願矛盾。吾將守桂叢。掉頭紗帽側。門巷落丹楓。
活國名公在。陶鈞力大哉。羽毛知獨立。禮厚媿無才。嗜
酒益踈放。孤雲自往來。世情只益睡。隨意坐莓苔。
蘊藉爲郎久。衣冠與世同。仍嗔問升斗。將欲倚崕峒。干
詩傷直性。蹉跎效小忠。扁舟吾已就。萬里狎漁翁。
悲辛但狂顧。萍泛苦黃緣。鬱鬱流年度。悠悠何處圓。寒
魚依密藻。歸鴈喜青天。暫往比鄰去。柴荆卽有焉。
浮生看物變。及此問吾廬。野草稱偏坐。葵荒欲自鋤。高

齋依藥餌鄰舍與園蔬狂走終笑適人生亦有初
侯伯知何算乾坤一腐儒有求常百慮便道卽長驅鄂
渚分雲樹衡山引舳艫開襟野堂豁誰分哭窮途
留滯才難盡低垂氣不蘇共誰論昔事不必取長途高
興知籠鳥潛波想巨魚誰憐一片影樸直乞江湖
馳驅不可說回首意多違羈旅推賢聖榮華有是非送
終惟冀土久客掩柴扉故老行嘆息天隅人未歸
官序播生拙鶴鷄在一枝篋書積諷諫檇散尙恩慈多
難身何補終朝悶獨思卜居期靜處烏几伴棖遲

海秋詩集

卷十七

三

軒冕羅天闕賢愚殊等差方知不才者敢憾省郎遲受
性本幽獨憂端且歲時欲浮江海去質朴謝軒墀
借問頻朝謁宜居漢近臣榮光懸日月聽履上星辰結
舌防讒柄浮生一病身天寒不成麻鏤骨抱酸辛
敢料安危體如知進退情蝮蛇暮偃蹇鸞雀半生成浮
客轉危坐小心事友生臨風默惆悵何得尙浮名
身世雙蓬鬢酣歌淚欲垂但令心事在何用羽毛奇應
接非本性繁華能幾時山林託疲繭此道未磷淄
平生心已折物理直難齊束帶負忒刺同人惜解攜餘

生如過鳥微分是醯雞不願論簪笏清風獨杖藜
出門搔白首天地有青蠅半落吾安放艱危氣益增且
將棋度日况挹酒如壺不阻蓬華興襟懷庶可憑
上官權許與要路亦高深困學違從衆微才謝所欽故
山多藥物碧色自松林鷓鴣雙雙舞沙邊待至今
起草鳴先路何人符大名聲華當健筆飄轉任浮生歟
意吟梁父還疑厭禍衡何時一茅屋高枕遠江聲
屢喜王侯宅空慚鴛鷺行宮臣仍點柴客子鬪身強束
縛酬知已端憂問彼蒼浮名尋已已回首一茫茫

海秋詩集

卷十七

四

慎爾參籌畫長懷禁掖坦氣衰甘少寐計大豈輕論難
拒幽明迫吾知拙養尊封侯意疎濶耕稼學山村
萬古一骸骨三年獨此心如何久磨礪渾欲不勝簪側
見寒蓬走何須白髮侵王侯與螻蟻感動一沈吟
天子多恩澤羣公各典司艱難須上策答効莫支持漫
作潛夫論多慙鮑叔知矯然江海思不是傲當時
天老書題目清襟照等夷臺郎選才俊漢闔自磻淄易
下楊朱淚兼催宋玉悲東柯遂疎懶所插小藩籬
造化鍾神秀諸公德業優四方尤所仰二美又何求經

緯固密勿瘡痕無血流。龐公任本性。江漢一歸舟。
北辰徵事業。雅望與英姿。才傑俱登用。氣酣達所爲。廟
堂知至理。凡百慎交綏。白水魚竿客。其加有別離。
卿月升金掌。田翁號鹿皮。低昂各有意。進退固其宜。憶
昨趨行殿。無勞比素絲。江村獨歸處。後會且深期。
掌握有權柄。含風綵仗高。蛟龍纏倚劍。鸚鵡啄金桃。與
冥非短褐。此生何太勞。佳期付荆楚。詩態憶吾曹。
紫鷲時翻翼。饑鷹得一呼。初欣寫胸臆。此又足驚吁。迴
出名臣上。不聞八尺軀。百年聽命定。意緒日荒蕪。

海秋詩集

卷十七

五

赤雀翻然至。烏鳶何所蒙。令人幾悲咤。此事終朦朧。近
髮看烏帽。呼兒問朔風。長歌意無極。苦恨耳多聾。
磊落衣冠地。乾坤定崢嶸。于今獨蕭索。始覺心和平。楚
岸通秋屐。松林駐遠情。從來謝太傅。不苟飛長纓。
夜看鄴城氣。貂貂餘季子。裘十年猶塌翼。一月不梳頭。欲
得淮王術。真隨惠遠遊。懶心似江水。天地一沙鷗。
自到青冥裏。祇應吾道窮。卽今千種憾。不與故園同。耕
鑿安時論。煙霏想桂叢。江湖深更白。只合在舟中。
勳庸思樹立。賢路不崎嶇。歷職漢廷久。悲涼楚大夫。何

時有終極愁絕付摧枯萬里清江上春鷗洗翅呼
已謂殷遼潤非無萬里凌商歌還入夜淚點向來垂若
負平生志未知棲集期荒林庾信宅烏鵲滿樛枝
黃鵠翅垂雨鷹愁怕苦籠浩歌淚盈把勢屈難爲功何
以有羽翼無勞問轉蓬江村意自放處處識壺公
故國悲寒望蒼生喘未蘇血流紛在眼日暮且踟躕亂
後居難定徐行得自娛終思一酩酊爲覓酒家壚
稍逼長沙館來經戰伐新此離放紅藥奔走爲黃巾卽
事須嘗膽歸溪惟病身敢爲故林主染淚在叢筠

海秋詩集

卷十七

六

那經喪亂後可使營吾居疲滿煩親故經過嘆里閭羣
公紛戮力百姓免爲魚部曲精仍銳乾坤欲晏如
身病戎馬後啼垂舊血痕願聞鑄鋒鏑隨事有田園杖
策回且暮牛羊嶺上村兵戈與人事愁絕更堪論
自年窮岫雨聲拔洞庭湖衾枕成蕪沒人烟時有無老
親如宿昔游子無根株生意甘衰白書來數喚吾
南紀風濤壯悲連子女號稍梁須就列版築不時操土
苦形骸黑貧嗟出入勞以茲悟生理回首與涓涓
水鄉羸白屋回首一傷神農器尙牢固田家敢忘勤深

耕種數畝取用及吾身。稻米炊能白。餘波德照鄰。
今日看天意。斯人尙典型。神明依正直。遷擢潤朝廷。賤
子何人記。高山擁縣青。悄然村墟迴。接葉製茅亭。
君看磊落士。常曝報恩腮。裊不自畏茫。茫何所開。敢
違漁父問。頻爲草堂迴。放浪陶彭澤。浮名安在哉。
自謂頗挺出。哀鳴何所投。有求彼樂土。吾道付滄洲。風
月自清夜。園林非昔游。東陵跡蕪絕。爲客恐長休。
乾坤萬里眼。身世白駒催。何事拘形役。吾甯捨一哀。尸
鄉餘土室。揚子臥蒼苔。未覺村野醜。歸林鳥却迴。

海秋詩集

卷十七

七

形骸元土木。涕淚在衣巾。自顧轉無趣。天高難重陳。杖
藜俯沙渚。結草卽河濱。不覺羣心妬。愚蒙但隱淪。
牢落乾坤大。行藏獨倚樓。飄蕭將素髮。踟躕顧長楸。事
與雲水白。理爲識者籌。蛛絲小人態。談話覓封侯。
颯颯開啼眼。悠悠見汝曹。論交數憾晚。尙詐莫徒勞。颯
颯移深樹。蛟螭乘九臬。防身一長劍。未與俗人操。
行路難如此。霜蹄去不疑。冥冥任所往。處處總能移。在
困無獨立。全生或用奇。劇談憐野逸。步履過東籬。
游子慎馳騫。朱炎爰在哉。柴枯走不暇。天地劃爭回。白

勝千家。邑丹心一寸。灰郊扉存。晚計幽珮。爲誰哀。
可惜歡娛地。誰知消息真。百年不敢料。何處且依仁。
有客雖安命。深慙畏損神。自今幽興熟。試覓姓。隴人。
小人自同調。君子意如何。事與古先別。誰憐醉後歌。
貧居類村塢。力小困滄波。幸近幽人屋。通林帶女蘿。
生死論交地。開懷無媿詞。誰云遺毒螫。焉得不低垂。
醉客霏鸚鵡。行人避蒺藜。無情移得汝。吾道竟何之。
沙汰江河濁。時清瑤殿深。乃知苦昔輩。已見直繩心。
茲理庶可廣。愁來遽不禁。緬思桃源內。叩寂豁煩襟。

海秋詩集

卷十七

八

浩蕩風塵外。形骸痛飲中。畏人成小築。愁坐正書空。
多病休儒服。全生狎楚童。湖南清絕地。不擬哭途窮。
放蹄知赤驥。瑞錦送麒麟。用拙存吾道。生涯脫要津。
賢多隱屠釣。俱是避風塵。把酒宜深酌。回頭錯應人。
咄咄甯書字。悠悠滄海情。江山如有待。心跡喜雙清。
惟見林花落。何曾風浪生。彌年逐清景。多病也身輕。
向來論社稷。歛使寸心傾。弱質豈自負。先鋒孰敢爭。
方期拾瑤草。誰欲討萑荑。江國踰千里。題詩須一行。
犬馬誠爲戀。淒涼爲折腰。卽今蓬鬢改。不用楚辭招。眼

暗却見骨風生一任飄如何對搖落清影日蕭蕭
草草頻卒歲飄飄愧此身鬱陶抱長策慘澹向時人今
代麒麟閣猶多老大臣掾曹乘逸興野食射麋新
野鷗無意緒黃雀任翩翾嗟彼苦節士徒爲百慮牽吞
聲混瑕垢發興自林泉楚岫千峰翠迢迢獨上天
正質未爲賤銀章破在腰形骸今若是日月不相饒憂
世心力弱離魂去住銷南爲祝融客未惜馬蹄遙
人生不再好遣興莫過詩回首肝肺熱都非少壯時羸
骸將何適窮伐欲無辭盛論巖中趣還丹日月遲

海秋詩集

卷十七

九

興與烟霞會淡然川谷開祇疑淳朴處不見一人來苔
竹素所好高秋念却迴喜無多屋宇隱類鑿顏坏
向來幽興極本是楚人家道意久衰薄吾生亦有涯層
軒俯江壁百草競春華多病一疎散銀壺酒易賒
取適事莫並生涯能幾何回身視緣野貴在映江波佳
處領其要清光應更多大哉乾坤內喧靜不同科
儒術誠難起清羸任體孱不能隨皂蓋自有一山川谷
口舊相得江頭且繫船野死隨處發故故滿青天
艱難歸故里飄泊損紅顏回調嗟誰惜蒼生豈重攀名

園依綠水隱几亦青山道廣存箕頽龐公隱不還
更欲投何處俱兼山水鄉片帆左柳岸景物洞庭旁花
葉隨天意江風借夕涼坐觀垂釣者迴立向蒼蒼
雷雨蔚含蓄湖山合動搖幽花散滿樹寒水不成潮結
纜掛魚網攜錢過野橋濁醪誰造汝醉酒或連朝
策杖古樵路避風湖渚間壯心甘寂寞緩步有躋攀
率知名寺鄉園獨舊山優游謝康樂休鑷鬢毛班

南嶽配朱鳥江潭隱白蘋遠尋留藥價小睡凭藤輪回
首驅流俗低頭媿野人行行見羈束拖玉豈吾身

海秋詩集

卷十七

十

遠色有諸嶺江雲更對垂潛鱗輸駭浪宿鳥擇深枝世
路雖多梗躬耕也未遲敢辭茅屋漏捨此復何之

野雲低渡水山谷遠含風恣意同遠步誅茅問老翁柴
荆寄樂土衣食慰飄蓬道術曾留意丹砂訪葛洪

湖闊兼雲霧扁舟任往來野花乾更落水鳥去仍迴淺
把涓涓酒愁徵處處杯百年渾得醉何事有餘哀

生意如春昨故園今若何早花隨處發惡木翦還多秋
水漫湘竹江天足芰荷蕭疎外聲利桂檝帶酣歌

小江還積浪高枕笑浮生怨已獨在此幽居不用名紫

鱗衝岸躍白鳥去。邊明水宿仍餘照。漁舟個個輕。
江漲柴門外。雲生舍北泥。惡灘甯變色。福性合幽棲。來
往皆茅屋。淹留爲稻畦。猶思理煙艇。時訪武陵溪。
畎畝孤城外。江村亂水中。舟航頻數具。菱芡古今同。物
役水虛照。浮雲世事空。休爲貧士歎。涕淚落秋風。
高齋常見野。小水細通池。竹杖交頭拄。春風啜茗時。江
清心可瑩。雲在意俱遲。向晚波微綠。看鷗坐不辭。
衣裳判白露。舟楫有光輝。霧樹行相引。風花高下飛。遠
慙勾漏令。永息漢陰機。戲問垂綸客。東西消息稀。

海秋詩集

卷十七

十一

遠水非無浪。輕舟進所如。江湖多白鳥。秋雨欲生魚。浩
浩終不息。溶溶滿太虛。洞庭猶在目。萬里狎樵漁。
百舌來何處。鷗行炯自如。回塘澹暮色。別浦落紅蕖。寂
寂夏先晚。冷冷風有餘。本無軒冕意。興遠一蕭疎。
策杖時能出。城池未覺喧。看花隨節氣。穿水忽雲根。紗
帽隨鷗鳥。高蘿垂飲猿。天涯稍曛黑。各已閉柴門。
亂石通人過。清渠一邑傳。蘆花留客晚。山驛醒心泉。萬
事隨轉燭。自私猶畏天。勞生繫一物。宿昔浩茫然。
漁人縈小楫。下水不勞牽。野鷗頻窺草。河魚不取錢。客

愁全爲減吾道下終焉莫問東流水江湖涕泫然
我行洞庭野轉作瀟湘游對酒都疑夢消中得自由扁
舟落吾手展席俯長流稠疊多幽事經過老自休
吾道正羈東川雲自去留孤亭凌噴薄倚杖沒中洲出
涕同斜日平生一釣舟憑誰給麩麩一酌散千憂
野水平橋路危檣獨夜舟晚涼看洗馬杯渡不驚鷗愚
意會所適斯文去矣休幽尋豈一路不過五湖秋
山晚浮雲合庭幽過雨霑汀烟輕冉冉江草白纖纖對
此欲何適杯乾可自添濁醪有妙理不得慢陶潛

海秋詩集

卷十七

七

楚岸收新雨江聲走白沙我行何到此乘興卽爲家薄
俗防人面爲農去國餘心微傍魚鳥萬古一長嗟
羈絆心常折今朝豁所思江流大自在樓迴獨移時花
鴨無泥滓蜻蜓立釣絲柴門了事事可以賦新詩
江月光於水江邊獨立時關山同一照花柳更無私猿
捷難長見鷗歸只故池治生且耕鑿野老復何知
北闕悄延頸南湖日扣舷地晴絲裊裊石漱月涓涓獨
鶴先依渚春鷗懶避船看君用幽意送老白雲邊
茅齋付秋草樓閣寄山巔微徑不復取潛通小有天出

塵皆野鶴森木亂鳴蟬。更是無人處。獼猴壘壘懸。
汨汨松上駛。微微風動襟。絺衣挂蘿薛。挽葛上崎嶇。微
雨不滑道。孤雲無自心。哀猿更起坐。虛費短長吟。
山雲行絕塞。土燧冷疎烟。水淨樓陰直。崖排石樹圓。有
時騎猛虎。一擬問高天。飄泊哀相見。含悽覺汝賢。
衡嶽啼猿裏。茅齋八九椽。終焉託長嘯。無取愧高賢。石
徑通幽魄。蓬門啟曙烟。諸家憶所歷。不敢墜周旋。
藜杖侵寒露。書籤映隙墻。悠悠委薄俗。悄悄息勞筋。仰
羨鶴鶴矯。全生麋鹿羣。高齋非一處。隨意嶺頭雲。

海秋詩集

卷十七

三

惆悵難再述。幽偏得自怡。無才逐仙隱。從此數追隨。錦
里殘丹竈。耕崖進奕棋。誰云行不逮。空有鹿門期。
名園當翠嶺。故里亦高桐。楚草經寒碧。山梨結小紅。桑
麻深雨露。秔稻熟天風。不負幽棲志。誅茅任薄躬。
枕簟入林僻。形骸用杖扶。誰能更拘束。亦足慰榛蕪。所
向盡山谷。相逢皆老夫。經過自愛惜。實有醉如愚。
疎懶爲名誤。含情空激揚。消中只自惜。養拙更何鄉。支
策門闌遠。空山草木長。無人競來往。白日到羲皇。
途遠欲何向。飄然思不羣。林中才有地。幽處欲生雲。徑

轉山田熟天清木葉間草堂樽酒在涼月白紛紛
清秋望不極長夏想爲情縹緲安可越樵漁寄此生塵
靡踰阡陌渺渺臥荆衡幽事供高臥投林羽翮輕
窈窕一林麓斷雲疎復行牛扉開竹影虛閣自松聲絕
島容烟霧幽居近物情鄰人有美酒堅坐看君傾
傍舍頗淳樸徑微山葉繁相逢牛新故因是託子孫洗
杓開新醞連筒灌小園人生許與分亦不爲舛餐

田父要皆去憐君如弟兄碧鮮俱照筋涓滴就徐傾意
遣樂還笑不知死與生何心記榛梗因見古人情

海秋詩集

卷十七

十四

平生憩息地質樸古人風村鼓時時急樵聲個個同一
邱藏曲折畢景羨冲融有客過茅宇清秋鶴髮翁
冉冉谷中寺輝輝星近樓登臨自多暇感動幾消憂清
絕心有向無營地轉幽牧童斯在眼容易往來游
共指親戚大恐致稻梁難強飯蓴添滑無衣牀夜寒餘
波期救涸舊俗自相歡春日繁魚鳥登于白玉杵
永與清溪別祇令故舊傷亂離心不展邱壑道難忘對
月那無酒論文暫裹糧窮途愧知己真宰意茫茫
童孺交遊盡魂傷山寂然衢尊不重飲橋井尙高舉返

照斜初徹寒花亦可憐繁憂不自整落樹有驚蟬
回首追談笑江橋春聚船見知真自幼解纜不知年久
客宜懸旆歸山買薄田別離傷老大把酒意茫然
憶爾才名寂江邊歲月長文章千古事臥病一秋強翠
栢深留景丹楓不爲霜騫騰訪知己花嶼讀書牀
秋晚嶽增翠讀書秋樹根風流散金石浩蕩問詞源時
見文章士而無車馬喧楚材擇杞梓妙絕與誰論

故人湖外客朱紱有哀憐嘆息腸內熱棲遲病卽痊及
平歸茅宇吾亦沼清泉常憾結懽淺端居茗纈煎

海秋詩集

卷十七

五

舊好何由展來書細作行轉蓬憂悄悄撫事淚浪浪庶
往共饑渴長歌激屋梁百年嗟已半似惱鬢毛蒼

昔年有狂客頭戴小烏巾頗怪朝參懶終爲江海人誓
將與夫子結愛獨荆榛種藥扶衰病蒼然猶出塵

野日荒荒白津流脈脈斜落帆追宿昔爛醉是生涯世
已疎儒素我何良嘆嗟只應與朋好悄悄憶京華

事主非無祿養親惟小園偶然存蔗芋自足媚神殮倚
杖看孤石從兒具綠樽眼前無俗物旭日散鷄豚

但求椿壽永烹鯉問沈綿送此齒髮暮來因孝友偏老

思筇竹杖野曠舞衣前委曲承顏體河陽實少年
重憶羅江外無由弟妹來側身千里道回首一悲哀風
雨嗟何及榮枯劃易該友于皆挺拔畫舸莫遲回
舍弟卑棲邑寒江動碧虛艱難隨老母風俗富園蔬慰
我深相憶含悽意有餘沈思歡會處高枕乃吾廬
坐語疎懶叔安得酣歌眠麤飯依他日茅茨寄短椽所
過頻問訊爲客費多年小子何時見蒼茫汎愛前

所來爲宗族宅舍如荒村農月須知課詩書自討論追
隨飯葵董歸老任乾坤服禮求毫髮家聲庶已存

海秋詩集

卷十七

六

太息謂妻子悲風稍稍飛漂然薄游倦似有故園歸事
跡無固必奸雄多是非高空得蹭蹬未敢羨輕肥
生理焉得說衆雛還識機遙憐小兒女可與春風歸處
處鄰家笛輕輕花絮飛忍爲塵埃沒清曠喜荆扉
浮舟出郡郭吾道長悠悠一縣蒲萄熟青天江水流况
資羨芟足各有稻梁謀必驗升沈體河間雙白鷗
昔別是何處人今亦故亭野畦連蛺蝶日暮拾流螢挂
壁移筐果充饑憶楚萍坐開桑落酒愁與醉無醒
我圃實蒼翠淹流見俗情宿陰繁素椽半濕搗香杵未

必不爲福深。憑送此生傷。哉文儒士高。興激荆衡。
性亦嗜醇酎。家纔足稻粱。客來具梨棗。地僻懶衣裳。
色兼生意安。貧亦士常若。爲心厄苦颯。颯鬢毛蒼。
簡易高人意。黃冠歸故鄉。寸心亦何有。自適固其常。
病枕依茅棟。屑冰延藥方。兼將老藤杖。慘澹蟠穹蒼。
輕帆好去便倚杖。更衰袞紅浸珊瑚。短黃知橘柚。來有
能市駿骨自。哂同嬰孩相。閱征途上探腸。有禍胎。
騎馬尋春徑。呼兒正葛巾。未遑等箕穎。幸各對松筠。
神物有顯晦。無心恥賤貧。年荒酒價之。儒術豈謀身。

海秋詩集

卷十七

七

誰能解金印。眞作野人居。落日邀雙鳥。催尊煮白魚。
興移無灑埽。臨眺獨躊躇。澗水空山道。平生意有餘。
行潦相厯蹙。荒郊蔓草茅。日斜魚更食。棧缺燕添巢。
行路難。何有生涯未。卽拋暮年甘。屏迹惟有此江郊。
浙浙風生砌。團團日隱牆。荆扉對麋鹿。江檻俯鸞鴛。
紅入桃花嫩。青懸薜荔長。入門四松在。老樹飽經霜。
杖藜尋晚巷。整履步青蕪。白日遮隱見。稀星乍有無。
百年歌自苦。永夜月同孤。沒齒埋冰炭。甯詮品命殊。
養拙蓬爲戶。長吟野望時。村疎黃葉外。天遠暮江遲。蕭

肅花將晚欣欣物。自私庭前有白露。霑灑衰新詩。
忡忡去絕境。鬱鬱回剛腸。問俗人情似吟詩。秋葉黃。鷓
雞號。枉渚蚯蚓上深堂。枸杞因吾有。抽梢合過牆。
柴門雖得去漁父。忌偏醒落日心猶壯。同憂歲不甯。幾
時來翠節。誰定握青萍。磨滅餘篇翰。悲歌在一聽。
莫怪恩波隔。應耽野趣長。勞心依慰藉。痛飲信行藏。秋
水通溝洫。春星帶草堂。賤夫美一睡。不復辨晨光。
養拙江湖裏。信甘孱懦嬰。客愁殊未已。春日復含情。茅
屋雖雍葺。朝廷誰請纓。以茲報主願。寂寞壯心驚。

海秋詩集

卷十七

六

漠漠虛無裏。蕭蕭荆楚秋。艱難昧生理。老病有孤舟。落
景聞寒杵。開箱睹黑裘。大庭終反樸。不必淚長流。
晚節嬉游簡。乾坤一草亭。甘從千日醉。臥此片時醒。時
議歸前列。孤槎自客星。風林展書卷。編簡爲誰青。
伊呂終難降。風雷肯爲神。及茲嘆冥漠。回首大江濱。人
遠鳧鴨亂。樓頭燕雀馴。物情尤可見。獨泣向麒麟。
薄劣慚真隱。心肝戀至尊。恩波延揭厲。世事與誰論。柔
櫓輕鷗外。柴門老樹村。居然成護落。何事卽飛翻。
鸚鵡含愁思。麒麟帶玉除。如今足斟酌。只有不關渠。營

葺但草屋江山已定居。孤光隱顧盼空翠撲肌膚。
茅屋還堪賦他山。自有春負暄。候樵牧隨意簪葛巾百
舌欲無語黃鸝不露身。豈伊常情度爲汝鼻酸辛。
浩蕩無與適。招尋興已專。鶯花隨世界。鷺浴自清川。
醒酒微風入支牀。錦石圓斯游。恐不遂何日是歸年。
哀傷同庾信。飄泊問君平。易識浮生理。終能永夜清。
雞鳴猶曙色。鷓鴣泛已春。聲謝爾性有。適蕭條病轉嬰。
客裏何遷次。余藏異隱淪。不關輕被冕。足以靜風塵。
野興每難盡。詩成覺有神。風騷共推激。萬事益酸辛。

海秋詩集

卷十七

九

海秋詩集卷之十八

益陽湯鵬海秋撰

五言律詩

咄咄

咄咄魯儒服，栖栖漢署郎。是非催鬢白，歌哭雜塵黃。且酌步兵酒，聊寬吏部腸。紫藤花樹下，倒臥見斜陽。

村行

盡日無風雨，村行緩緩將。漁樵爲我揖，猿鶴與人忘。溪活芙蓉綠，山深秔稻黃。桃源疑可接，去矣白雲長。

海秋詩集卷十八

秋望

秋色一千里，秋心決莽中。雲霄盤老鶴，關塞極征鴻。野澗煙難翳，天青樹易叢。似聞西嶺畔，采藥有仙翁。

聞蟬

秋老渾如夢，枝高無限風。四圍蟬送響，萬古淚俱紅。薄翼長歌柳，愁唸只抱楓。聲訴何事付，與夕陽中。

正客至

孤念百無著，曉風微有寒。時來青眼客，歌入白雲端。天意催人事，新愁倚古歡。飄飄塵土外，誰要夢邯鄲。

家書

天北望天南。征鴻未可探。十年湘水怨。萬事旅人驂。白髮庭幃健。紅顏弟妹愁。家書長闕絕。對酒豈能酬。

漫興集杜四十八首

併序

余旣擬歸去來百六十首胸中之言不能盡也取杜詩再諷誦得前漫興中漫興後漫興共四十八首與百六十首不複一語我心無窮杜詩更無窮吁可怪也

前漫興十六首

海秋詩集

卷十八

二

大雅何寥廓。載驅誰與謀。路難思共濟。心弱憾知愁。力疾坐清曉。天寒耐九秋。每于百寮上。誰憫敝貂裘。

恩榮同拜手。奏賦入明光。社稷經綸地。風流漢署郎。無錢從滯客。鳴笛竟霓裳。匣裏雄雌劍。誰憐屢舞長。

鼎食爲門戶。豪家意頗濃。未能易其節。不敢強爲容。經濟慙長策。衣冠起暮鐘。不才名位晚。應合只從龍。

出入並鞍馬。鶯歌駿正繁。聞君已朱紱。他日有殊恩。報效神如在。官高何足論。深衷見士則。風雅藹孤鶩。

屢食將軍第。秋天憶射鵬。裏其望呂葛。自是一嫖姚。交

合丹青地相於契託。僿吾徒自漂泊。側腦看青霄。
北斗司喉舌。公含起草姿。獨逢堯典日。不媿史臣詞。鑿
澈勞懸鏡。飛棲假一枝。草黃騏驎病人。有甚于斯。
我丈時英特。東方領搢紳。山陽無俗物。鄭驛正留賓。用
意崎嶇外。時邀江海人。義聲紛感激。國與大名新。
沈吟聊自遣。壯士耻爲儒。俯視萬家邑。默思失業徒。食
恩慙鹵莽。削跡共艱虞。痛哭厚土熱。茫然阮籍途。
歎息腸內熱。開樽獨酌遲。豈無濟時策。耻以風病辭。自
顧亦已極。哀歌欲和誰。猶殘數行淚。却怕有人知。

海秋詩集卷十八

三

詩憶傷心處。耳從前月聾。方圓苟齟齬。時菊碎榛叢。已
用當時法。則知潤物功。由來強幹地。永永垂無窮。
吏隱適情性。檢身非苟求。經綸亦俱有。感動幾銷憂。全
命甘留滯。隨時成獻酬。差池分冕組。行止各雲浮。
肅肅自有適。飄飄青瑣郎。看君多道氣。雅節在周防。疊
壁排霜劍。高談隨羽觴。行詣直如筆。列宿頓輝光。
親朋滿天地。來往亦風流。曹植休前輩。潁川何以酬。此
時同一醉。老氣橫九州。忍斷盃中物。其如鑷白休。
有美生人傑。寰區望匪他。到今事反覆。亦恐歲蹉跎。跼

識蓋不早勞生共幾何。披顏爭倩倩。魑魅喜人過。
陷此膠與漆。交親氣槩中。吁嗟爲之久。談笑偶然同。
小羣分命駕。駘怕錦幪胡。爲足名數太。簡遂匆匆。
鬱鬱苦不展。飄飄客子蓬。應論十年事。那免白頭翁。
短褐風霜入。憑軒心力窮。卑飛欲何待。倚劍短亭中。

中漫興十六首

天子渴垂拱。逢人問幾賢。終依古封建。會是正陶甄。
素節相照燭。朱絲有斷絃。吁嗟公私病。何以報皇天。
艱危叅大府。驚代得麒麟。夾輔待所致。乘時各有人。
迺海秋詩集卷十八

四

知封土質。直取性情真。賢者貴爲德。誰將此義陳。
數論封內事。下憫萬民瘡。藉甚黃丞相。世賢張子房。
陰陽一錯亂。羽翮困低昂。却寄雙愁眼。神功接混茫。
守道不封己。濟時信良哉。方當節鉞用。莫使棟梁摧。
錯錯神明懼。形容老病催。看君語玉室。吾意獨憐才。

南方瘴癘地。澤國遶回旋。擺豁盤澗沸。黎元疾苦駢前。
籌自多。設名器重雙全。惠愛南翁說。長吟不世賢。
蛟鼉好爲祟。嗟爾太平人。吳楚東南坼。瘡痍府庫貧。
須知風化首。復覩耕桑民。實欲邦國活。天中貢賦均。

開府當朝傑。從容仰廟謀。恐乖均賦斂。獨立萬端憂。進
退委行色。安危在運籌。非無江海志。欲罷不能休。
誰繼方隅理。新兼節制通。隄防舊風俗。祈請走兒童。齒
髮已自料。經書滿腹中。區區甘累野。總作白頭翁。
五嶺炎蒸地。蒼茫鬪將辰。廟謀蓄長策。益賊本王臣。孰
與關張並。兼全寵辱身。諺知終畫虎。爲汝鼻酸辛。
不息豺虎鬪。貪看絕島孤。兵戎况騷屑。反覆乃須臾。碩
步獨紆鬱。此生免荷戈。挺身艱難際。慘澹閱陰符。
巴蜀愁難語。驅驅爭奪繁。兵戈浩未息。盜賊爾猶存。獨

海秋詩集

卷十八

五

坐親雄劔。誰能叫帝閭。凶兵鑄農器。一勝何足論。
羣盜久相踵。踟躕此驛亭。幾時回節鉞。不可無雷霆。舞
劍過人絕。提刀見發矟。總戎備強敵。鯨力破滄溟。
勝決風塵際。情依節制尊。濟時敢愛死。世事因堪論。主
將歸調鼎。儒流不異門。憂來杖匣劍。偃仰淚潺湲。
猛將收西域。丹青憶老臣。勞心練征戍。自昔有經綸。戎
馬今何地。軍須遠。籌繙蕭蕭古。塞冷側望苦。傷神
鼓角緣邊郡。來經戰伐新。兵戈猶在眼。謀拙竟何人。萬
姓始安宅。蒼生倚大臣。今君渡沙磧。白髮好禁春。

封內如太古扶持在數公。豫章深出地。畝獵舊非熊。爲書長久利。兼存翊贊功。我生性放誕。猶作一飄蓬。

後漫興十六首

浩蕩難倚賴。高秋心苦悲。文章日自負。蹭蹬多拙爲。何補參軍乏。虛傳幼婦碑。年年小搖落。多病鄴中奇。溟漲本末淺。子山舊業傳。神融躡飛動。端雅獨倏然。海內知名士。人間好妙年。百憂復相襲。無計刷龍泉。學立游夏上。書偕褚薛能。紫厓奔處黑。碧海濶逾澄。藻翰惟牽率。詞場愧服膺。竟無宣室召。丹極上鷗鵬。

海秋詩集卷十八

六

書亂誰能賦。吟多意有餘。悠然想揚馬。曾是接應徐。識字用心苦。傷時會合疎。青冥卻垂翅。內熱比何如。作歌挹盛事。每夜吐光芒。筆力破餘地。篇終接混茫。文章差底病。行止憶垂堂。飄泊欲誰訴。增寒抱雪霜。精理通談笑。詞場繼國風。晚看作者意。恥與萬人同。擺落嫌疑久。周流道術空。微生霑忌刻。青眼只途窮。草元吾豈敢。青簡爲誰編。妙取筌蹄棄。音知燥濕絃。反爲後輩襲。萬一故人憐。俛仰俱蕭瑟。喧爭嬾著鞭。詩是吾家事。聰明達所爲。是非何處定。得失寸心知。枕

籍皆禁臠。光芒刷羽儀。古人不可見。涕灑亂交頤。
名。豈文章著。心從弱歲疲。森然起凡例。歷代各清規。
追琢山岳銳。餘波綺麗爲。乃知蓋代手。慷慨有餘悲。
十五富文史。啖俟筆不停。清心聽鳴鏑。一字借華星。詞
賦工無益。乾坤水上萍。窮秋正搖落。烈士涕漂零。
清峻流輩伯。操持郢匠斤。合分雙賜筆。重與細論文。毫
髮無遺憾。哀多如更聞。文傳天下口。不見比封君。
獨步詩名在。休牽衆眼驚。永懷江左逸。甘似魯諸生。慷
慨嗣真作。波瀾獨老成。文章憎命達。短髮寄簪纓。

海秋詩集卷十八

七

數篇吟可老。意度不無神。俊拔爲之主。流傳必絕倫。
向來披述作。固合嬰飢貧。自媿無絳菜。哀音何動人。
自我一家則。大哉萬古程。文包舊史善。律中鬼神驚。法
自儒家有人傳。世上情徒懷。貢公喜朱紱。負平生。
感激動四極。含悽話苦辛。文章亦不盡。事業暗相親。天
意難告訴。儒冠多誤身。十年嬰藥餌。也復可憐人。
滿目悲生事。題詩好細論。有才繼騷雅。作客信乾坤。竟
掩宣尼袂。遙憐湘水魂。氣劇屈賈壘。江上問詞源。

乙未八月二十五日次兒健昭殤哭之六首

嗚咽傷心淚。踟躕繫肘方。鯉庭千載憾。驥子五齡殤。惡
瘡先天毒。清秋滿地霜。悲風知我意。烈烈夜何長。
扶行猶昨日。卧病幾終朝。輾轉欲何向。呻吟總是嬌。牀
陰連蟋蟀。屋角落鴟梟。垂死翻成啞。悲呼但手招。
骨相汝誰優。麒麟是匹儔。偶從天上落。肯向世間留。忽
忽心如失。盈盈淚莫收。三號成萬轉。縹緲不回頭。
意外來生死。愁中說短長。塵緣吾自幻。木葉汝俱黃。室
閨藏魍魅。天寒弔鳳凰。何時入孩抱。灑淚向穹蒼。

汝姊衣袖溼。汝兄形影單。霜深刀剪歇。秋晚棗華寒。薄

海秋詩集卷十八

八

祚遭醫拙。精心禱佛難。鳳毛斯已矣。悔憾幾千端。

英物不數見。悲聲如此酸。百年吾漸老。萬想夜都攢。夷

甫鍾情易。延陵葬骨難。何由附阿母。封瘞楚江干。
余不忍愛

骨暴露異鄉必借
瑞華視歸葬長沙

再哭健昭六首

歷歷世間事。迢迢心上愁。荆釵不可見。玉樹豈能求。薄

命珍遺骨。瑞華垂死。諄囑健昭不休。悲風攬暮秋。九泉

逢汝母。生死話綢繆。

雄操方停日。鸞膠乍續年。我心訾吉甫。汝孝類公權。灑

埽供晨夕歌呼見性天病深愁不起願我涕漣漣

頭角崢嶸際心期浩蕩中菑畲收六籍閩閩北三公颯

颯秋風惡茫茫淚眼紅巫咸不省事悲喜總何憑

咄咄傷心處橋邊與砌邊餉貓花鬢雨騎馬柳橫煙采

菊能盈袖拔葵自比肩只今菩薩緣一步一憂煎

招魂禪室是瑞華眉長椿寺附健昭柩于旁扶杖洞庭非健昭生時得詩兩章末云

羽翼儻成年齒長進退無時小存亡有淚揮蚌珠心漫

許烏哺力應微天遣浮邱子憂愁減帶圍

杳杳思泉路荒荒接夢魂英靈依楮墨嬉戲覓琴樽死

海秋詩集卷十八

九

去其能奈生還未可論二雛今折一慟哭撼乾坤

瑞華宜人歿已週歲用偕新婦瓊華暨子俶昭女

蘭昭蕙昭蘅昭菁昭祭之於長椿寺時次子健

昭殤已一月因並哭之而誌以詩

地下沉淪久人間仇儷長一年無限事萬淚不成行物

換存羅帶天寒薦酒漿誰憐小兒女哭母寺雲黃

宛轉存遺囑蒼茫難重陳新聲引鸞鳳惡夢失麒麟

夢中與瑞華爭健昭瑞華欲携之往瓊華故訂之止如
是者再既而健昭果以瘡殤余且悲且疑瑞華實教余
以兒女付瓊華合月黥心情幻霜清涕淚新併將悲與
奪健昭是何意耶

怨訴向九泉人

由戶部轉御史臺例不復值樞禁

忽忽乘驄馬蒼茫指劍鐔卓雕騰顧盼秋隼出嶮嶽汲
黯今誰是張衡意不禁詞頭何用憶寥落紫泥金

在御史臺一月以言事回戶部

一疏達天閭飛騰白簡霜臣心無曲折

主德有包荒浩蕩威兼愛蹉跎老作郎篋箱餘諫草磨
滅付斜陽

畏暑簡慧裕亭庶常兼索飲

海秋詩集卷十八

十一

赤日挾狂飊商羊不可招民枯慙問俗官嬾苦纏瘡
穢噬人憤瀛洲覲面遙寄聲金馬客洗盞是何朝

喜陳登之別駕到都

秋色滿天地君從何處來風塵趨走日淮海轉輸才驥
足空餘子燕山有舊杯相逢心款款離合兩裴裒

念子酣歌日文章老劍鋒天空刷鷹隼秋曉擢芙蓉罷
讀心如擣趨公性未慵酒醒談出處往往涕龍鍾

我亦蹉跎者馮唐老可憐伏蒲思諫諍戢翼失飛鸞風
雨調情性詩騷鎮歲年平生奇崛意今日轉茫然

海內論車笠。欵。歔。半。不。禁。翻。翻。素。衣。化。慘。慘。白。頭。嗟。廷。
尉。方。嘲。客。中。郎。自。賞。音。改。人。天。外。至。秋。雨。一。披。襟。
聞。汝。在。南。國。能。名。貳。潁。川。榮。分。刺。史。半。勞。比。衆。人。先。世。
事。須。肩。荷。吾。儕。豈。命。遭。娟。娟。新。沐。浴。整。珮。好。朝。天。

送崇有堂明府

忽忽告將別。依依已三年。萍蓬逢老友。書史愜真詮。秋
與關河迥。官隨雨露偏。送君須一醉。明月爲誰圓。
憐汝挾天筆。風雲颯沓來。鬢眉疑綺季。冠珮上蓬萊。霄
漢飛甯晚。神仙謫可哀。百年真學道。未枉武城才。

海秋詩集

卷十八

七

去去欲何向。終南鎖暮霞。城池分一縣。童叟幾千家。俸
薄堪沾酒。庭閒且種花。偶然張皂蓋。野外勸桑麻。
摧折誰如我。飄零愧此心。虛名騰羽翼。直道負纓簪。已
矣洛陽策。佳哉子賤琴。看君多古意。仁聞滿雕陰。
秋色尋常見。其如怨別何。三秦天縹緲。一劍事蹉跎。痛
飲看周易。餘才託楚歌。只今吾尚健。後會鬢應皤。

寄陳荔莊別駕

秋雨日蕭蕭。思君不可招。錦衣瓜步月。桂楫廣陵潮。天
遠音書澗。時違鬢髮焦。伏蒲心已矣。端莫最芻蕘。

憶昔追從日風雲滿薊城酒杯乾綠蟻詩句掣長鯨一
別情何限三秋淚飽傾天高鴻雁急獨向大江行
後會知何地前期未敢忘簪裾存古道肝膽淬秋霜今
我方摧挫吞聲寄慨慷敝貂誰顧惜了了悟行藏

丙申八月十二日送舍弟鴻攜亡荆瑞華暨殤兒

健昭之柩由通州買舟南下歸殯益陽悽然賦

詩三章

黯淡長椿寺三年恨未歸雨荒拋短佩霜急點空幃故
劍無生死佳城有是非益陽先壟在松櫨大於圍

海秋詩集 卷十八

十一

我舸迢迢下長江萬里濤芳魂殊浩蕩愛骨與週遭秋
老鳳雛折天青馬鬣高九原還有子依傍故山蒿
鵲鴿知急難涕泣且長征死別還生別秋聲雜哭聲西
風妻子骨南國弟兄情姜被何年共吾應老薊城

送江龍門孝廉

滿眼蹉跎客浮名浩蕩愁塵沙低杞梓風雪老驂駟已
矣復何歎飄然不可留皖公山色好一杖快行游
念子樅陽去逍遙慕隱居性情元不俗泉石故相於怪
我窺麟閣窮年攬豹祛行藏難一概握手幾踟蹰

送熊璧臣太守

海內論豪俊。騫騰有故人。揮金同劇孟。投轄想陳遵。歲
月官資滿。江山客思新。北風驅五馬。珍重報恩身。

送黃香鐵孝廉

去。去。輪。蹄。遠。茫。茫。天。地。秋。風。霜。蓬。鬢。短。楊。柳。薊。門。愁。郭

隗。才。難。盡。張。衡。浦。亭。淚。莫。收。銜。杯。重。悽。惻。送。子。海。南。頭。

可。歎。勞。勞。者。天。涯。滯。幾。年。塵。埃。埋。姓。字。圭。組。傲。詩。篇。官

阻。麒。麟。閣。家。依。苜。蓿。田。鐵。樓。今。好。在。木。石。總。悠。然。

侘。傺。今。如。此。得。歸。甯。不。歸。尊。鱸。隨。野。艇。鷄。犬。滿。巖。扉。獨

海秋詩集 卷十八

三

往。無。離。合。空。山。少。是。非。回。頭。笑。羈。絆。未。敢。逐。輕。肥。

我。家。萬。里。外。南。向。思。紛。紛。青。草。湖。邊。月。浮。邱。嶺。上。雲。羈

離。因。薄。祿。騷。雅。忝。多。聞。擬。學。鳴。夷。子。江。湖。道。不。羣。

安。得。雙。黃。鵠。飄。飄。作。遠。游。子。尋。羅。浮。杖。我。買。洞。庭。舟。諫

草。韜。彤。管。才。名。老。黑。裘。行。藏。渾。不。定。執。手。淚。橫。流。

避。人。且。疏。豁。垂。老。慎。幽。悃。薊。子。元。耽。道。壺。公。自。信。天。海。

驅。狂。鯉。走。江。伴。老。鷗。憐。載。訪。葛。洪。術。丹。砂。可。駐。年。

滿。眼。還。鄉。樂。渾。忘。行。路。難。羊。城。仙。客。跡。馬。頰。腐。儒。餐。山

峭。時。移。石。樓。平。獨。倚。欄。不。須。悲。北。客。人。事。飽。鹹。酸。

歷歷經離別愁腸九轉輪苦傾燕市酒沈醉嶺南人天
濶鴻飛疾秋高馬骨新重逢問何所萍梗總悲辛

送曾曉滄孝廉

怊悵論文地崢嶸倚馬才江河千里瀉霹靂九天來獨
抱蔡邕筆空瞻郭隗臺回風吹急雪賦別幾裴裴

去指皖江道搖搖梅柳春太湖紅雨過天柱白雲新陸
暢携佳婦區宏訪老親草元吾意賴誰是問奇人

疇昔鎖闥中璠璣二妙同

兼謂武林葉生世圻

新文皆鶻薦老眼未

龍鍾懷古鬚眉白哀時涕淚紅慙慙狂簡士分手憾征

海秋詩集卷十八

古

蓬

風雲看偃蹇身世與衰哀諫諍非吾事磨礱望汝才那
堪蕭瑟地還把別離杯養望知何處悠悠江海隈
行矣但努力悲歡勿重陳乾坤存健筆山水結比鄰甕
有陶潛酒衣無庾亮吾當跨黃鶴訪汝大江津

林少穆中丞入都喜而有作四章

今代論梁棟蒼茫管樂才

九重求治急開府帶春來日近麒麟閣天高鳩鵲臺定

知前席語款款贊康哉

浩。蕩。姑。蘇。國。前。籌。意。較。然。瘡。痍。悲。赤。子。經。緯。上。青。天。華。
髮。年。年。老。清。名。箇。箇。傳。樸。忠。多。事。業。允。矣。晝。凌。烟。
喔。喔。鷄。籌。曉。戔。戔。虎。節。身。春。濃。九。華。殿。

帝。契。四。知。人。北。海。聲。名。大。東。方。獻。納。新。數。論。封。內。事。鐘。
鼎。載。精。神。

憶。昨。裘。裒。久。鴻。魚。破。寂。寥。篋。箱。積。書。札。意。氣。薄。雲。霄。春。
滿。蕭。公。笏。秋。寒。季。子。貂。蹉。跎。慙。見。面。朽。質。颯。飄。颯。

古意

誰。識。湖。湘。子。行。藏。涕。屢。霑。匡。時。輸。汲。黯。解。組。擬。陶。潛。生。

海。秋。詩。集。卷。十。八

五

計。樽。中。酒。酣。歌。架。上。籤。百。年。惟。古。意。清。切。自。針。砭。

放意

近。擬。風。騷。作。千。篇。鬱。古。香。杜。陵。詩。是。史。王。績。醉。爲。鄉。放。
意。從。潦。倒。知。音。憾。森。茫。吾。應。避。霜。雪。不。遣。鬢。毛。蒼。

送程桐舫駕部歸

傷。心。趨。走。地。寒。落。遂。初。人。只。有。程。夫。子。飄。然。脫。要。津。漁。
樵。斯。在。眼。山。水。自。爲。鄰。了。却。鷄。蟲。債。端。稱。懷。葛。民。

放。浪。陶。彭。澤。銜。杯。阮。嗣。宗。百。年。惟。痛。飲。三。徑。自。孤。筇。塵。
土。渾。無。夢。烟。霞。但。有。蹤。世。人。休。問。訊。憂。樂。意。長。慵。

聖朝無弃物。耕釣豈終年。白髮庭幃健。青山隱遯便。只知供菽水。不是傲凌烟。心跡雙清處。逍遙肯問天。余亦瀟湘客。淹留不可云。蹉跎存直道。骯髒倚斜曛。感子執高義。抽身向白雲。行藏難一概。愁坐思紛紛。

寄周敬修方伯

吾愛周夫子。英風倚劍開。精神儲虎氣。遭際挾龍媒。子產歌誰嗣。夷吾挺異才。誰令皖公國。戶戶剪蒿萊。

遷擢尋常有丁甯

簡在新絲綸。頌五色旌。旆轉三秦月。照潼關。驛春流。涇

海秋詩集卷十八

六

水濱此邦真有福。使者本賢仁。

喘喘鶯簧巧。騰騰虎節高。松樟元有骨。薏苡不成譎。分陝街

恩命前籌報

聖朝西瞻沙漠外。兵氣儻全銷。

慷慨論知已。崢嶸倚斗魁。伊周自公等。屈宋老吾才。心理澄餘滓。詞鋒擺怒雷。萬緣吾已謝。騷雅未應灰。

喜李雙圃廉訪到都

惆悵當年別。纏綿兩地情。每呼翠微月。遙寄豫章城。浩

浩鴻千里寥寥蟻一觥及茲重見面劍氣各崢嶸
看君妙爲政名譽滿江關絢爛貂蟬貴艱難鬢髮班濟
時存恫欵掌節活惇鯨努力輸籌策凌烟畫可攀
今代論湖楚飛騰大有人梗楠支巨室旌旆照青春時
事須公等官聲起要津腐儒無比數自署葛天民
相見興滔滔悲歡指二毛可憐誇骨鯁未敢憶風濤性
命研周易文章續楚騷君平何用卜突兀倚官曹

贈張詩齡觀察

四月南風發飛騰見使君劍吹關塞霧衣雜海山雲
輪
海秋詩集卷十八
輓誠餘事崢嶸故不羣卽看宣室召

一

天語豁殷勤

憶昨司樞禁魁梧燕許才朝飛紫泥詔夜把碧筒杯
一別情何限千秋理自該濟時俱慷慨努力畫麟臺
斷送嚴遵卜荒唐汲黯名獬冠吾自秃犀帶子方榮鉛
槩平生事簪纓世上情共須攀屈宋騷雅吐荃蘅
聞道新詩好東人箇箇傳蒼茫存老杜瀟灑出青蓮海
內論詞伯誰當近古賢急思拋簿領酌晚花前
久不得富海飄前輩消息書此奉寄

憶。昨。歡。娛。地。論。交。氣。概。中。不。才。方。附。驥。老。輩。本。非。熊。一。
別。愁。關。塞。三。年。獨。雨。風。心。心。問。雄。劍。悵。悵。兩。情。同。
開。府。丹。青。遍。旌。旗。上。九。霄。新。鸞。秦。嶺。月。舊。枕。浙。江。潮。霜。
霰。催。華。髮。功。名。問。斗。杓。近。傳。封。內。事。歌。舞。劇。扶。搖。
我。本。勞。勞。者。雕。蟲。三。十。年。青。蒲。非。夢。想。黃。絹。此。摩。研。藻。
鑑。懷。疇。昔。蓬。心。嬾。策。鞭。徒。存。貢。公。喜。寂。歷。抱。貂。蟬。
西。望。潼。關。驛。重。雲。不。可。開。每。呼。太。華。石。飛。過。翠。微。來。閣。
展。麒。麟。畫。情。餘。鸚。鵡。杯。無。令。雙。鯉。笑。書。此。豁。衰。衰。

酬潘四梅刺史

海秋詩集

卷十八

大

落落論壇坫拳拳憶典型曹劉開闔奧韓杜走風霆我
友四梅子天涯一扣肩把君詩夜讀窗月逗流螢

君自一家則清新半古香峨岫倚天半菡萏擢波長
劍履新攜手揮毫歛吐芒楚騷吾國瓠弔古兩茫茫
突兀浮邱子才名三十年壯心愁折耗小技強雕鐫詩
好騰羣笑官閒了宿緣久無飛動意見汝一翩翩

贈我詩何健瓊瑤咳唾中掄揚真意在俛仰古人同
斗轉慙瞻北川流許到東應須各努力搖筆倚長虹

不見平生友。迢遞幾歲年。山包洞庭濶。城隱闔閭偏。旌
旆依宸極。經綸慕古賢。東南民物在。赤手挽青天。

憶展絲綸簿。心知有用才。

帝褒誠挺拔。吾意與崔嵬。爛漫成知己。飛騰倒舊杯。如
何久遼濶。天末兩裴裛。

顛愚何所似。骨鯁只成羞。汲黯消磨久。張衡錯莫愁。故
人多澹漠。君子獨綢繆。每爲雙魚到。拳拳涕泗流。

甚欲遠相訪。山川縹緲中。何時一樽酒。高唱大江東。郡
海秋詩集卷十八

九

送餘杭雨亭迴笠澤風使君閑暇日臨眺獨瓏璵

寄黃蘭坡大令

側聽王喬鳥。飛騰有令名。聰明似冰雪。咳唾此竽笙。江
國存知已。天風吹遠情。遙遙雙皂蓋。徙倚闔閭城。

浩浩關河隔。茫茫煙霧青。安能騎白鶴。重問古華亭。于時

蘭坡攝上海鴻鯉頻消息。山川自杳冥。幾時杯再把。握
篆係古華亭。

手慰伶俜。

問我官何似。艱難蓋有焉。功名慙白簡。泉石阻青年。吾
道方嘗膽。君才好著鞭。行行樹佳政。端不讓凌煙。

一別十春秋。相思無盡頭。君看江水濁。正似我心愁。華髮飄萍梗。高歌倚斗牛。寥寥賈生策。誰爲借前籌。

送劉嘯菴明府

一騎薊門道。千程閩海中。側聞

天子意。不薄宰官功。殺賊鯤山下。維車蟹井東。憐君才望好。杯酒倒鄞筒。

海秋詩集

卷十八

二十

海秋詩集卷之十九

益陽湯鵬海秋撰

五言律詩

送喬見齋觀察

七載不相見。春風此一遭。乾坤容我戇。杯酒對君豪。舊
夢聯樞禁。新恩換錦袍。崢嶸時棟在。握手與滔滔。
憶奏龔黃績。循聲滿桂林。聰明如止水。氣槩擬爲霖。臣
志馳驅老。

君恩浩蕩深。飛騰蒙寵擢。春色上華簪。

海秋詩集卷十九

卷十九

一

薊北歡情暫。秦中別緒重。潼關開四扇。太華削三峯。我
但瞻牙纛。才應謝鼎鐘。天涯問知己。無計起疎慵。

贈費耕亭太守

五馬去何向。迢迢指大梁。河聲流汴洛。山勢控嵩邙。時
事需神補。才名孰主張。此行應黽勉。兀見龔黃。
與子遭逢地。春曹十雨風。簿書盡人事。文雅見天工。一
劍。衰。哀。久。千。秋。睥。睨。中。平。生。有。高。義。默。默。兩。心。同。
雙鬢雪。絲絲烏。臺繫。夢思。我應慙。鍛。翻。君亦借。棲。枝。諫。
草。韜。將。去。官。聲。歛。可知。洛陽賢太守。經濟儻吾師。

惻惻賈生策寥寥揚子居每傾燕市酒一枉故人車聚散憐漂梗行藏愧散樗蒼生付公等努力報彤除

寄李碧珊觀察時碧珊遭劾去官屏居鄂渚

不見李生久

用杜句

扁舟何處尋洲銜禰衡憾澤放屈原

陰出處雙蓬鬢悲懽一鏡心別離頻問訊江海太幽深

羣羸復鬼鬼君真上國材精神結金石咳唾走風雷路

險驕騶困天高鴻鵠哀誰憐舊朱紱蕭瑟楚江隈

念子支離事榮枯涕泣然青蠅天地有白璧古今憐春

雨蝸廬溼秋風鶴髮顛巫咸不可問悄悄抱幽悵

海秋詩集

卷十九

二

放意煙霞外清秋江漢斜菰蘆如有約鷗鷺好爲家北

郭時尋藥東陵且種瓜平生耽勝事行樂此無涯

耽憐我何如豪情半翦除不成汲黯志頗擬陶潛居嶽

麓無凡鳥湘江有鱖魚煩君爲招隱南國兩樵漁

北雁過衡陽傳書涕泗滂可憐千望眼無補九回腸人

事紛瑕垢天涯極混茫寸心言不盡悵悵月昏黃

送吳淪齋閣學典試浙江

今日皇華使誰爲第一人君從南薰殿去問富春津雨

露新持節文章老斲輪當令湖海士箇箇畫麒麟

汎汎浙江漿何用杜 峩峩侍從才 珊瑚收鐵網 桐梓中榮
材我亦持藻鑑 茫然問斗魁 腐儒今更腐 誰祝瓣香來

寄裕如山中丞

虎節騫騰地

龍鱗眷注年 深思古封建 端仗好仔肩 鬢髮垂清影 功
名理直絃 平生慕僑亮中丞以書下問鵬輒獻其愚日
今乃公孫僑用猛諸葛亮用嚴
之時中丞持以報青天
以爲良然

湘水謳歌舊 洪都節制新 九江無惡浪 五老有餘春 今

日論長策中丞定 幾人百年腰臂健中丞時
患臂痛藥餌勿因

海秋詩集 卷十九

三

循

念我頻書札 憐才驅古今 自非青眼客 誰問白頭陰 折
檻酬名義 飄蓬媿影衾 曰歸歸未得 怊悵五湖深
迢迢指豫章 君子在蒼茫 可掬西江水 來淘北客腸 風
霜存翠柏 天地入黃梁 鴻雁知人意 書懷豈謾將

酬姚伯昂丈招飲

夫子今梁棟 聲名獨老成 春風小桃李胡鏡塘別駕
師出文門下 詩

思接杯觥痛飲行 藏外迂儒吏 隱併心心對 青眼俛仰

一含情

顏魯公銅印詩

併序

顏魯輿中丞購於賈人得魯公銅印古光陸離

字畫宛然信異數也賦詩一章

河朔倉皇日平原慘澹年如何銅印在猶見古光纏字
老煙雲結名高鬼物憐文孫勤念祖忠烈有餘妍

輓楊忠武十首

太息將軍樹回飈落蜀州峨嵋天黯淡江漢涕橫流鐵
馬寒雲積金壇皓月收平生白羽扇斷送九泉秋

弱冠讀陰符孫吳咳唾餘智謀先造化勇決擅驅除百

海秋詩集卷十九

四

戰功猶在三公價不如濟時瞻斧鉞千載一歎歎

歷歷說羣盜騰騰仗虎臣整軍先白馬破竹走黃巾雙
鬢兵戈老中原天地春至今韋帶士箇箇頌麒麟

西憶機槍動邊沙莽盪中幾傳青海箭誰破黑山戎國
有嫖姚將人呼郭令公不須勞

聖主異域已併幪

節制三秦大恩榮九陞深穰直能附衆傳說此爲霖玉
帳兼文武雲臺照古今君臣許與處慷慨動長陰

衛霍論勲日弓旌拜賜秋腰分蒼玉佩手捧翠雲裘大

內瞻元老殊方問徹。候恨無蓬島藥，不遣白搔頭。
省識盈虛理，飄然向故山。漁樵成伴侶，松竹老容顏。
料悲秋緊空餘古劍斑，萬人同雨泣，不見紫髯還。
赫赫倚長城，荒荒隕大星。

九重惟慟哭，一老已飄零。表餌誰家事，清勤此座銘。
寄聲問開府，詰嗣海梁中丞忠孝兩精熒。

側想才良盛，羣叨禮數先。熊羆歸約束，鸞鳳與周旋。
我亦青冥士，公當吐握年。可憐折檻後，書札極纏綿。

惻惻杜鵑哀，西山惡耗來。百年逢管葛，一哭撼風雷。
軍旅思飛將，封疆惜重才。羣公知矩矱，努力贊康哉。

海秋詩集

卷十九

五

輓程春海侍郎

今代論儒雅，便有此公典。章詒伯始著述，老揚雄兩鬢星霜後，千秋寢饋中。茂陵遺藁在，精氣剖鴻濛。

憶曾相識地，冠佩帶朝暉。公上南薰殿，余承西掖垣。舊巢痕並埽，新淚點應繁。未有招魂術，淒涼不可論。

側身義孔後，懷古兩纏綿。豈料文章伯，未登耄耋年。艱難失知已，慘澹向青天。流水高山意，空餘涕泫然。

一病支離甚，千悲涕淚銜。人間無扁鵲，天上有巫咸。騎

鶴身何往。雕蟲手自緘。苦思風雨夜。萬象入鑿刻。

送何根雲太史典試河南

去指大梁道。清秋白露天。黃河分汴洛。太室削雲烟。詞賦空餘子。朝廷幾妙年。中州七千士。衣被得真詮。

厯厯看星使。觥觥問字人。佩搖溟海月。

于時小笠大筆史亦使滇南

洗汴郊塵公等宜。旌旆吾才自屈伸。且忻小桃李。披寫

一家春

張亨甫兄入都蹋雪來探不值

海上故人來。風霜一劒開。才名今老大。天意此低回。落

海秋詩集卷十九

六

落江淹筆。荒荒郭隗臺。驕自奇骨不用雉。爲媒。

放眼關河迴。吞聲涕淚重。可憐存夢寐。未若覲形容。身

世雙元鬢。乾坤一短筇。兩人愁握手。握手各龍鍾。

急雪撼簷陰。飄颻不可禁。只愁雙屐濕。未遣百杯深。容

舍空還往。詩情自古今。明朝無箇事。來問白頭吟。

黃槩山倪耕岩胡介眉查少泉杜蘭溪王漢橋易

問齋蕭立齋八農部集飲浮邱閣中卽席詠懷

五章

跌蕩千杯酒。迷離六出花。寒稜生昨夜。醉眼問誰家。中

聖知何罰。談天枉自誇。吾曹有來往。瓶甕是生涯。
鬱鬱折腰客。飄飄同舍郎。簪纓成酒伴。風雪爲詩狂。
籬菊惜騰老。窗梅黯淡香。此中消息在。底事九迴腸。
我非潦倒者。對酒涕縱橫。霜霰吹奇骨。詞章悔盛名。
百年饒萬事。雙鬢瘦千莖。倚賴平生友。酣歌無限情。
懷抱向君開。蹉跎亦快哉。九人真率會。五夜淺深杯。
綠蟻從吾好。黃梁破夢來。篋餘策藁休。說賈生才。
捫蝨麤狂在。揮觥爛漫遭。伴餐隨地有。劍佩仰天高。
稷契終應許。春陵未是豪。浮沉何必問。吾道在醇醪。

海秋詩集

卷十九

七

李石梧提學瓊海浮槎圖詩

海闊天茫茫。波濤萬丈長。風聲利舟楫。雲氣滿衣裳。
擅元虛賦。今浮朱雀航。珊瑚歸鐵網。持以貢明堂。

讀沈女史詩集

今日論歌詠。誰扶大雅輪。風騷屬吾道。閨閣起斯人。
抽繭千絲細。雕龍十色勻。前身真學士。聰慧信如神。
吳越多才女。家家擬七襄。好花聯姊妹。佳句比宮商。
筆活三叉手。心清百和香。秋懷殊不淺。浩浩古詞章。
歷歷說身世。蒼茫無盡頭。白華驚物化。黃絹對貧愁。涕

淚千行。雨江湖。一葉舟。古香拳。屈宋肇。悅此名流。
南游方浩蕩。北走太始媿。衣上風霜白。愁邊天地青。
才名工織錦。旅食信浮萍。一唱關山月。寒光滿驛亭。
天高瞻鳳闕。日暮眺燕臺。幾見山濤札。曾因柳絮才。
紅顏殊倜儻。白雪自低徊。證取菩提諦。那知世上哀。
我方規魏晉。誰更數齊梁。豈料閨中句。應登作者堂。
芙蓉謝康樂。河漢孟襄陽。滿眼看壇坫。新詩少雁行。

元日

元日年年有。東風故故寒。那堪雙短鬢。重對五辛盤。興

海秋詩集 卷十九

八

借屠蘇酒愁衝解。豸冠桃符元可學。時作退歸看東坡句退

歸擬學
舊桃符

黃樹齋兄招飲卽席詠懷四首

東閣梅初綻。西山雪未消。客愁拚一醉。春色謫連朝。
世事莊生蝶。才名季子貂。行藏渾對汝。雙鬢鎮飄蕭。

歲時來往地。寥落寸心存。圭組長疎放。詩騷自討論。
天涯好兄弟。詩句滿乾坤。雙鳥吞丹篆。千秋見本根。

國與大名新。東風無限春。煙花滿閭闔。冠履上星辰。
濟物勞公等。論文與我鄰。休悲賈生策。曾未畫麒麟。

不作。憤騰醉。其如塊壘。何鷓鴣存。故我騏驥老。悲歌天
上年光轉。人間春事多。西郊好風物。披寫慰蹉跎。

樹齋席上再借亨甫作四首

四海論車笠。三人對酒杯。春風知客意。物色入詩才。柳
爲陶潛發。梅因何遜開。生涯供爛醉。拔劍不須哀。
詆蕩湖湘子。才名老自禁。新情閒處活。舊事醉中深。身
世詩千首。星霜髮一簪。邯鄲何用憶。浩浩自長陰。
憶昨耽詩興。幽州此卜鄰。長留正始意。庶報素心人。裘
馬非吾好。雲龍有宿因。眼中惟二妙。來往豁天真。

海秋詩集卷十九

九

相對不酣飲。年光惱殺人。煙花渾過眼。書劍好禁春。吾
道關衰盛。天涯送主賓。飛騰騷雅在。何必覲平津。

酬葉潤臣孝廉見贈之作用原韻

歷歷千秋事。茫茫難重陳。沅湘有騷脈。江漢得伊人。濁
酒情何限。青春句入神。荃蘭滿懷抱。持以擢荒榛。

寄輓徐熙算前輩四章

契闊三千里。憂愁十二時。只疑顏瘦損。那識命支離。捐
舍天難問。憐才我自私。每思來往地。談笑却熊羆。
安得崢嶸筆。重飛白簡霜。

九重思汲黯。四海重王陽。去薊金臺寂。還秦渭水忙。空懸孺子榻。終古此昏黃。

憶昨歡携手。論交信有神。新文聯沈鮑。古義豁雷陳。白眼看餘子。青山失故人。平生無限淚。薤露識悲辛。秋風來惡耗。秋雨淚傾盆。汝墮紅塵劫。吾憐白獸蹲。浮生半哀樂。後死信乾坤。重憶傷心事。蒼茫不可論。

讀凌荻舟詩

一片沅湘淚。荃蕪無限愁。只知攀屈宋。似欲短曹劉。古意滿懷抱。幽居自唱酬。百年詩句健。不遣鬢毛秋。

海秋詩集

卷十九

十

我亦涉風雅。蒼茫問等倫。百川元可障。四海更何人。偽體緣才累。哀絃發性真。把君詩過日。此事有傳薪。銳意千秋事。千秋未有涯。杜韓猶變體。陶阮自名家。吾道存三昧。君才小八叉。楚騷斯寄託。端不墮塵沙。

喜潘四農到都

春色滿樓臺。迢迢望汝來。兩情通夢寐。一劍鬱風雷。古意存詞賦。深談佐酒杯。乾坤無限事。爛醉尚裴裛。衰歲月飄飄。過行藏。歷歷非世人。皆鹵莽。夫子厭輕肥。髮白文章健。天青涕淚飛。誰將江海士。一薦紫宸闈。

握手雜悲喜。浮生難重陳。懜懜今日我。慘澹舊交人。市
虎紛無謂。雲龍信有神。天涯盛吾黨。一慰苦隄身。

卓海帆前輩移居近隣猥蒙過訪賦詩奉報

旌旆壓春寒。新從海上還。使車朝

北極。卜宅傍西山。楊柳一何裊。藤蘿不可刪。大夫清興
極。詩句好追攀。

春暮鳥喈喈。春花點石苔。人傳蝸舍在天遣。牙冠來諫
諍。勞前輩。蹉跎媿不才。自今還往熟。身世兩裴裛。

落落文章契。依依鄰里情。松杉疑結社。風雨對飛觥。吾

海秋詩集卷十九

七

道存青眼春。光入短檠匣。中三尺劍時。作古龍鳴

送周小湖太守

與子相知久。乾坤旅宦中。升沉闕道力。聚散對春風。五
馬欲何向。雙飛不可同行。指桃杏未似。涕花紅。
水復又山環。黔西窈窕間。此行天萬里。爲我淚千斑。握
手期難卜。匡時興未刪。百年各努力。莫忘別時顏。

苔魯蘭岑同年

相識不相見。其如契闊何。天涯今握手。才調爾誰過。藻
綺相如筆。艱危梁甫歌。驩非腐骨慎。勿涕滂沱。

爛醉連昏曉。長陰送古今。風塵三益友。詞賦百年心。營窟匪僞素。雕蟲自藝林。靈均吾豈敢。騷怨不勝深。

與趙午橋敘事抒懷八章

不見資陽客。蒼茫幾歲年。忽從天外至。握手涕潸然。霜雪衣裳破。功名鬢髮顛。乾坤餘俛仰。誰定畫凌煙。聞子在南國。漁樵寄此生。江湖隨地迴。山谷有雲行。巢許存吾道。孫劉太世情。如何就形役。辛苦問簪纓。今代文章手。崢嶸望我曹。古香發蘭芷。奇氣束波濤。東閣情應媿。南宮價自高。仰天時大笑。誰分老蓬蒿。

海秋詩集卷十九

三

歷歷平生友。悲歡離合間。逢迎如素昔。老大各容顏。相馬今誰是。雕蟲技莫刪。可憐詩句健。只合寄名山。

問我官何似。升沉涕幾行。烏臺如夢寐。驥足此回翔。意氣稽康嬾。文章賈誼狂。對君三太息。潦倒進壺觴。

天下傷心事。樽前肯重陳。沙蟲無處覓。鷹隼有時馴。陋矣蘇秦印。懷哉張翰尊。因君問江海。鷗鷺儻吾真。

東縛塵埃裏。何時歸去來。天涯逢故舊。春色慰摧頽。帶雨桃唇歛。經風柳眼開。此時一箕踞。爛醉十千杯。

還往不辭勞。飛花上客袍。樓臺自春景。富貴等秋毫。白

雪音誰和青山首重搔百年商出處妙理在醇醪

送潘四農張亨甫管蘭岑溫伊初江龍門姚梅伯

劉子駿楊杏農廖月槎下第出都

拳拳問科目鬱鬱抱悲辛我友二三子天涯踴躍身才
名供泣玉客意謝勞薪去矣如鷗鳥江湖萬里馴
吞聲欲何向萍梗付沉浮慘澹誰青眼艱虞易白頭乾
坤慳一第詞賦許千秋料理名山事酣歌老未休
勸汝一杯酒千行涕淚俱空餘賈生痛甘作杞人愚醉
醒存知己行藏偏腐儒吾應脫塵鞅歸老故山隅

海秋詩集

卷十九

三

良友不可得分飛天地間風塵莽迢遞夢寐儻追攀歷
歷離愁事娟娟素昔顏騫騰鴻鯉在音問未宜慳

贈孫芝房

賈誼今應罕劉蕡汝可憐雷霆驅萬象金石勒千篇歧
路誰知己名山待少年不須爲科目呵壁問青天
匹馬迢迢去南天浩蕩深武陵如可問梁甫莫長陰耕
釣全吾道煙霞識古心巖阿新養望終要汝爲霖

送周一峰

東阿好年少腰佩古龍文筆挾風霜氣心空燕雀羣升

沉隨大造聚散問勞筋去去應回首離情不可云

酬李生化北劉生詩橋來見

寂。歷。浮。邱。閣。窮。年。自。雨。風。濟。時。徒。畫。虎。開。戶。老。雕。蟲。自。
笑。千。秋。拙。誰。知。二。妙。同。摠。衣。殊。欸。欸。高。義。動。蒼。穹。

握手一相見庭花如有情南薰迎遠客北斗媿虛名韓
愈吾何敢侯芭衆已驚天涯盛朋輩慰藉短燈檠

太息斯文墜長懷不世賢班揚照今古閩洛補坤乾各
葆三千髮誰當五百年光陰駒過隙勉矣著先鞭

冠蓋滿通衢雷陳今有無交游闕性命文字慰羈孤浩

海秋詩集卷十九

古

蕩詩千首淋漓酒十壺披襟風自爽天意豁矍儒

送怡悅亭中丞

側望羊城道新兼虎節來崎嶇五嶺束瘴癘百蠻開疇
昔論心侶飛騰濟世才此行須黽勉勸汝十千杯
四海論兄弟箴銘得老成赤心流古味青眼折時評燕
市一爲飲珠江又此行天南望天北雲樹不勝情

送李石梧出守漢中

南國有才人昂昂八尺身指揮動山岳瀟灑出風塵銜
命方從粵分符又向秦

帝心斯簡在勉矣畫麒麟

握手數爲別行藏各有天鷓鴣吾偃息驥馱汝飛騫

北闕承恩去南山在眼前千秋嚴激浦滋浦嚴樂園廉訪曾守漢中治

南山最了了著先鞭

送孫康甫還山

踽踽孫夫子詠茅問故鄉一身大小隱雙鬢萬千霜養性惟林壑逢年有稻粱了無塵土夢瀟灑意何長

我歌將進酒勸汝拂衣行了了升沉事娟娟離合情雲天愁縹緲猿鶴喜逢迎回首人間世山居不用名

海秋詩集卷十九

五

讀黃琴山農部三十六鴛鴦館詞

三十六鴛鴦雙棲玳瑁梁深居成福地綺語發心香續續紅牙板娟娟白雪章此才應絕倒顧曲小周郎借問折腰客伶俜亦可憐漂零迷舊事跌宕出新篇蹙築三更壯琵琶六引圓心心對絃索明月照嬋娟

尺五莊借李梅生作

忽以一樽酒來游尺五莊煙霞飛木末樓閣借溪光點綴漢陰趣消除吏部腸悲歡等閑事爛醉倚昏黃徑仄無人到雲深爲我來芰荷千柄合蘆葦萬行開名

士慙諸葛全真學老萊多情雙蛺蝶故故傍亭臺
斜陽沒更現飛鳥去仍還未見杯觥盡因知客意閒溪
聲深淺際樓影古今閒醉矣歸路芙蓉不我慳

花之寺

出郭綠萋萋蕪菁趁馬蹏地偏花徑合天闊寺門低壺
檣排岑寂僧寮費拏提酒酣破拘束倒臥夕陽西
蒼苔不出院綠樹自成陰時有好風至遠流清磬音亭
臺寄人外猿鶴見天心支許閒如此羊何試一尋

我豈談空者其如塵土黃人間半鞅掌佛院此芬芳一

海秋詩集卷十九

六

眇海棠雨千秋鐵樹霜枯榮斯了了澹泊意何長
坐久不知午蟬唵一萬回芭蕉無雨打荷芰有雲來瀟
灑遠公社崢嶸太白杯百年逢勝地塊壘醉中閒

寄林少穆制軍

翹首武昌路旌旗一碧分樓臺半今古草木盡風雲總
以如水志宏茲不世勳荆衡千載大令德有馨聞
君子不煖席匡時兩鬢皤榭榭咸得氣江漢少驚波公
本經綸手吾慙著述科下材託葑菲采采意如何

寄錢伯瑜中丞

响嘯三公秩。瀟湘萬里天。古今誇重鎮。民物覲名賢。心
理澄於水。丰稜直似絃。定知操縱地。歌舞歲時妍。
我亦湖南士。天涯踏蹬中。關河通寤寐。松菊托惝蒙。擣
首中丞座。傷心客子蓬。何當賦歸去。江海老雕蟲。

苔楊雪椒廉訪

落落楊夫子。高情上斗牛。峻嶒雲母見。浩蕩洞庭流。官
美詩逾健。君歌我用酬。湖南清絕地。切莫學悲秋。
鴻雁破南天。音書爲我憐。功名雙鬢短。詞賦一家先。覆
瓿從時論。抽毫了宿緣。新詩將塊壘。不必萬人傳。

海秋詩集 卷十九

七

寄胡羨門明府

飛鳥向湖湘。湘山湘水長。白雲依古驛。青鏡照虛堂。
一縣桃花雨。千家麥飯香。卑棲莫怛悵。漢室擢循良。

念子航詩什。才高壁壘新。寰區傳秀句。藻麗奪陽春。鞅
掌今何似。絃歌信有神。天涯通寤寐。吾道若比鄰。
問我飄蓬意。風霜淚點懸。有才歌白雪。無力上青天。寥
闊思朋舊。支離了世緣。養痾非藥餌。只要酒如泉。
一別竟遲暮。三年此夢思。江湖鴻雁少。涕淚雨風知。側
想彈琴意。長憐折檻時。乞題勻碧紙。勤和老夫詩。

獨坐書懷奉簡何仙槎丈

新詩排日有古劍倚天磨不作千秋想其如兩鬢何老
成時獎借年少此觀摩獨坐梧桐院臨風發浩歌

杞梓湖南特虹蜺掌握同建標賢制府

陶雲汀丈

補袞大司

空政事羣公在精神一氣中不才慙驥驟卑走太恩慙
念我支離事天高首重搔窮途悲阮籍古意感山濤禮
數勤推轂才名笑補半濟時心尙在拜手問夔臯

我思六首簡喬鶴儕水部

我思喬水部三晉一騷人天性存蘅杜才名振鳳麟悲

海秋詩集

卷十九

六

歌不出戶元氣自爲春浩蕩生花筆千秋亦宿因

韓愈吾何敢李翱才有餘陰詩搖五嶽說賦祖三閭以

此雕龍客無緣金馬廬寄聲黃閣老禮意未應疏

意氣可憐蟲官聲慘澹中少年淹簿領瘦骨戰秋風勸

汝一杯酒江流萬古東枯榮駒過隙已矣辨雌雄

與子遨遊地南郊更北郊煙花無限意猿鶴不成嘲山

澤存三徑乾坤玩六爻此身元脫略巢許是神交

回首平生事悲懼等積薪崢嶸無汲鄭慷慨有雷陳愁

大天難問交深客容易瞋兩人情脈脈辛苦畏滴磬

獨坐午陰圓。徜徉槐柳前。蟬吟聲嘒嘒。蝶舞意翩翩。社友兼僚友。詩僊半酒僊。百年吾得汝。嘯傲上青天。

送孔宥函比部

送子飄然去。征車那可攀。塵中青眼盡。海上白鷗閒。元亮性斯遂。靈均涕莫斑。滄浪好漁父。來往不吾慙。

紅蓼白蘋花。清秋淮上家。庭幃森鶴髮。井里問牛車。子去一何樂。吾留殊未涯。瀟湘天萬里。隨分有雲霞。

盈盈今夕酒。惻惻別離情。明月照人碧。悲風爲我鳴。關河添客夢。萍梗寄才名。江上告潘四農曾蘭岑相思淚。點橫

海秋詩集 卷十九 九

去矣如鴻鵠。蕭蕭蘆葦鄉。扁舟煙水白。晚景笠蓑黃。念子行藏事。寸心悲吒長。巢由太狂狷。濟世豈應忘。

贈左十三

四海周旋日。千秋著迹身。我方追正則。汝肯覲平津。年少才難盡。塗窮骨未貧。憾無孔文學。一鶚起風塵。

鬱鬱抱奇策。娟娟理宿痾。問天元是幻。斫地自爲歌。暮雨梧桐老。秋聲蟋蟀多。南華雖在眼。其奈古愁何。

故國瀟湘闊。阿兄景喬苜蓿新。青天兩鴻雁。白首一雷陳。

羽短慙知己。心長證古春。孔顏多樂事。誰要畫麒麟。

風雨夜騷騷。天涯破寂寥。悲歌依故舊。短鬢颯搖。歲
月隨流水。功名問斗杓。何當賦招隱。江上老漁樵。

餞羅研蓀趙午橋於尺五莊時研蓀午橋廷試報

罷將還湖南用此賦別

出郭一裘衰。風隨蘆葦來。白雲溪徑合。紅日市樓開。道
力存壺榼。才名墮草萊。升沈等閑事。誰復覲麟臺。
家住瀟湘岸。荃蘭滿地香。九秋長有淚。百賦豈禁狂。意
氣小時輩。風雲入帝鄉。誰知仍塌翼。突兀謝鷓行。

太息成均貢。空瞻郭隗臺。文章五百載。魂壘十千杯。塵

海秋詩集

卷十九

三

土抽身去。煙霞入夢來。青山好自在。浩蕩賦歸哉。

我亦天涯客。他鄉送故人。焉能駕鴻鵠。一訪舊松筠。去

住隨漂梗。悲懽等積薪。秋風滿關塞。遮莫鬢如銀。

一酌至十酌。千愁併萬愁。乾坤青眼少。山水白雲稠。苔

古疑逢鹿。波輕不礙鷗。眼中幽意在。底事賦悲秋。

一片潺湲水。荷聲出竹聲。有風吹我醒。無淚替君傾。蝴

蝶長如夢。鷓鴣豈用名。行諸問蓬蓽。樂事在躬耕。

送鄧小皋

握手日無幾。幽燕誅蕩中。詞章名父子。書劍古風豈

料孔融少非關阮籍窮南征問湘水魚鳥慰飄蓬
去去幾回頭天涯一片秋少年傾老淚多病寄扁舟木
雁汝應悟蓴鱸我竊求江邊茅宇在何日是歸休

游焦園偕李梅生作

秋色上人衣秋風送馬蹄出郊生遠想覓地得幽棲路
古莓苔小天寒楊柳低山禽解迎迓啼向石闕西
花雜樹璣瓏樓臺第幾重雲容描澹澹石隙逗淙淙犬
臥猶當戶蟲鳴不隔松此中仙隱意縹緲倚枯筇

碧砌文階外池風送午香芙蓉千萬柄蘿薜兩三行我

海秋詩集卷十九

三

本煙霞客神游江海旁扁舟如可棹漁釣了行藏
太息主人翁銜杯不可同山門自開闔秋影落西東霜
戰芭蕉葉風翻蘆葦叢名園勤護惜慎莫付飛蓬

贈熊鶴笙

歲月淹如許風雲慘不情是誰持藻鑑爲汝涕縱橫天
意飄蓬梗才名老杜蘅每從時論外款款敘平生

喜梁楚香同年到都

天闕音書慣情親夢寐單北風吹汝到萬事舉杯看休
問卞和玉方彈貢禹冠

帝褒誠異數報以寸心丹

江國聲名老秦中號令新

楚香由江南觀
察擢秦中廉訪

此才宜萬里

回首失同人抗疏匡衡拙謀生原憲貧封圻望公等爲我庇斯民

懷江西艾至堂熊經神山東孔繡山三孝廉

今代文章客飄蕭學隱居有才遭折挫無力送吹噓楚雨扁舟疾齊煙九點舒夢魂飛不到天末最愁予

得魏默深書卻寄

太息魏夫子誰爲借箸籌

默深編次
字天下事勢瞭如指掌

皇朝經世文寸

海秋詩集卷十九

三

心江海上萬事鬢毛秋媿我依黃閣因君訪白鷗菰蘆何處好吾亦擬歸休

陸立夫太史入都

一別竟三載悲懽無限端天長鴻雁少人遠夢魂難江漢扁舟發幽并十月寒心心重握手勤理伯牙彈與子俱湖楚荃蘭託比鄰才名雙鬢雪杯酒百年春買駿論遭際雕蟲動鬼神酣嬉對朝夕足以豁吾真

海秋詩集卷之二十

益陽湯鵬海秋撰

七言律詩

與客談湖湘山水之勝

九州氣勢似星羅萬古熊湘一浩歌
衡嶽乾坤低泰岱洞庭風雨挾黃河
熒熒聖骨九疑穴藹藹騷魂二水波
試問精靈何處著長沙才子滿巖阿

小時書劍未離鄉來往蒼崖曲渚長
楚澤千花半蘭芷禹碑百代一文章
春山如笑猿猿綠秋水不波鷗鷺涼

海秋詩集

卷二十

一

非是湖南清絕地少陵垂老豈傍徨

地老天深日月長居民淳樸古衣裳
蛟龍無恙江湖白虎豹不來禾黍黃
九筩峯頭餘大木十洲亭畔好斜陽
天寒薄暮勞雙眼京國攜家鬢欲霜
擬放名疆利鎖閑去尋紅雨白雲間
桃花浩浩武陵水紫石離離雲母山
口吸煙霞神嶽頂手披黃老碧溪灣
傷心南望呼明月誰遣湘靈笑我頑

投賀柘農編修

憶昨飄飄躑躅身遊遊京國與誰鄰
老成

謂趙遂樓陶雲汀諸丈

半出匡天下。年少初來無故人。賈誼才華新涕淚。虞翻骨相舊風塵。相逢酩酊無餘事。醉卧藤蘿夜向晨。

潑墨攤書傍短檠。蓬萊骨相總儒生。梧桐自叶卷阿鳳。杯水誰知橫海鯨。十載不遷存骨格。一秋相對有風情。遨頭婪尾招邀慣。未省人間蜀道行。

朝騎駿馬暮飛觴。攜手燕郊處處將。豈有聲名動寥廓。故刪時俗與翱翔。伯陽道德五千字。吏部文章萬丈光。獨立蒼茫發長想。孔顏樂處是心香。

柬友人

海秋詩集卷二十

二

青天浩浩短車健。白劍差差薄屋高。變化兩人成一體。踉蹌散地授同袍。莊周有夢迷蝴蝶。伯樂無媒泣駿駒。物理未宜常撥觸。秋心只合醉醇醪。

閉門

不貪人事與侵尋。薄宦聲名悄至今。一雨放春楊柳綠。百年如夢屋廬深。才能受謗有餘福。詩不閉門無苦心。幽鳥幽花吾肺腑。市朝深處得山林。

病起書懷

薊城俯仰一迂儒。倚劍崆峒事有無。風雨每當懷古哭。

肝腸都爲望。鄉枯安排藥餌。添新秀。瘦損客顏。失故吾。回首可憐。妻子拙焚香。禮佛肅禱。

十晨牀簀費吟呻。苦霧終風淚眼昏。親在湖湘何敢死。君如覆載未酬恩。鏡中短帽霜雙鬢。世上閒情酒萬樽。跨馬出郊朋舊喜黃昏。款款割鷄豚。

尺五莊

團團野趣。南城外。拂拂薰風。九夏天。沙水紆迴。鷓鴣舞。林花妥貼。鸞鳩眠。濃雲不散。衣生墨。美酒微醺。人似僊。忘卻夕陽歸路。緊柳陰深處。一聲蟬。

海秋詩集卷二十

三

春曹夜值

突兀容臺拱

帝閭吏稀人靜。獨昏黃。梧桐暮雨。蕭蕭老鐘鼓。西風嫋嫋。長公幹。豈應迷簿領。子長端是藉文章。千秋禮樂培元氣。慙媿。

天家瑞錦郎

夜坐

紙窗木榻。夜漫漫。槐檝簷斜。菊近闌。月色古今如此白。秋聲天地不禁寒。五陵裘馬非吾事。百歲風霜老筆端。

使我有名詩句好未妨匏繫宦情閒

遣懷

儒官一榻卧羲皇清景婆娑歲月長天地無言自風雨
古今未了此文章價高肯爲金張減汗下差教籍湜僵
宿昔鍾期在何許秋橫南國淚千行

靈麓峯頭一腐生漫驅筆力埽鯢鯨五噫三賦時時作
北斗南箕往往驚自悔雕蟲非道要誰將畫虎當才名
酒酣脫畧醒時哭子美詩中偏側行

攬鏡裴哀七尺身骨奇心苦不宜人牀頭蟻陣渾如夢

海秋詩集

卷二十

四

匣裏龍文似有神月缺月圓此河漢花開花落自埃塵
天機那問君平卜一卧長安秋雨新

驅車鹵莽倚天涯得失鷄蟲但可嗟萬事齟齬生痰疾
寸心浩蕩有雲霞洞庭水闊魚蝦長嶽麓山深松菊斜
世上悠悠春夢過林泉好處是誰家

訪友不值

歷歷夜光寒似水寥寥巷舍寂於林空墮明月一時到
不識白雲何處尋原憲生涯金帛少陶潛晚景酒杯深
百年卜命看周易肯倚西風涕滿襟

陶然亭

萬點蘆花撲羽觴。百年客子怯秋光。西山如幕邊雲紫。
古刹無人木葉黃。袞袞物華隨歲月。飄飄旅宦有文章。
登高騁望乾坤大。何處煙波是故鄉。

室焚酬許萊山師借宅安置

絳旃紅鞞無端見。雞犬圖書一燼餘。豈有文章鑿造物。
故教風火折吾廬。徒薪徐福人誰辨。漱酒樂巴我不如。
乞取春風潤愁餓。還開淚眼讀奇書。

雲捲雕簾日晒牀。杏壇側畔一枝藏。百年嘯傲嬰回祿。

海秋詩集卷二十

五

雙淚橫流遶講堂。鳩杖先生工慰藉。鷓袍弟子立蒼茫。
却因勸勉傷幽獨。憂患無常儻有常。

中夜驚心光睽睽。故居回首鼻酸辛。炎官欲殺亦知己。
生事不言能古人。太白銷愁斗酒薄。宗元賀火尺書頻。

時陶雲汀中丞暨賀拓農提學黃
惺溪太守以書來弔陳義甚高

試刪天問清魂夢自

向師門整幅巾

答友人弔火

離離長句雜悲傷。落落知心太激昂。造物降材安肯忌。
東風吹火偶然狂。哀猿斷木窮人涕。老鳳高岡君子堂。

謂借宅
萊山師卻展詩書歌達旦斗降霜雪不知涼

潘星齋紱庭昆季招飲

華筵意氣尋常見今日酣歌落紫霞公子能招天下士
蒼生永繫尙書家風吹琥珀江南酒露裏薔薇屋角花
我亦平生喜騷墨揮毫如雨和尖叉

經李西涯相國故居

殘陽下馬路如弓丞相亭臺人已空古寺松杉號夜鶴
亂池荷芰碎秋風道消好豎睚眦外學富文章浩蕩中
異代蕭條余已晚路旁指點總迷濛

海秋詩集卷二十

六

公本湖南思返樞老居薊北易銷魂左徒舊宅荃蘅泣
中散荒園桐梓昏海外有人私楮墨墓門無淚灑兒孫
年年奔走鄉人祭慟哭蒼烟郊外村

西涯無後鄉人
相率歲一掃墓

讀郭輿可集

寥落風騷息正聲我懷前輩不勝情掃除萬有元精在
流播千年訕笑平今兩筆端蟠古意飄蓬海宇足才名
故應連軫琳琅字付與人間仔細評

白日堂堂兩鬢皤高冠長佩自婆娑看君詩意窮愁淡
握手秋風醉倒歌庾信波瀾老更得杜陵堂輿近如何

梓州妙竹兼能畫雙絕流傳慰坎壈

感興

書劍勞勞湖海士風雲浩浩帝王郊少聞宋玉悲秋氣
今似揚雄畏客嘲白日青天消麴蘖疎星淡月弔鱗蝮
男兒及歲當行樂鬢髮多情莫浪拋

百寶欄干大道斜春光先入五侯家黃鸝紫鷺參差語
禮李天桃頃刻花世上功名幻蒼狗秋來風雨敵悲筵
五年不上明光殿灑氣排雲草白麻

時記名樞直
五年未補缺

回思二十聲名大擊劍幽燕醉倒歌黃閣老翁元慟怛

海秋詩集卷二十

七

長沙才子自蹉跎三期賢佞從時論七發縱橫遣宿痾
興寄麒麟吾不淺起看精衛喚如何

天涯淒泊衣裳冷人事侵陵涕淚奔月黑幽蟲搜旅夢
花枯寒蝶上朝暎癡兒禮薄爭啗飯故舊官高或到門
古往今來如對奕朱輪大纛有黃昏

霜急山空萬木號長歌懷古興驅濤深深簾幙燈檠穩
短短屋廬秋日高一代衣冠先士氣百年天地入詩騷
太平拙宦棲身好未要縱橫擬四豪

老屋疎風點禿巾深秋枯柳臥頽輪蚤嬰公幹纏綿疾

不繡平原婀娜身。浩浩剛腸倚牛斗。悠悠行路笑詩人。
請看滄海橫流甚。老鯉狂犀無損鱗。

平生天與嶽奇骨。懷古渾忘醉飽心。繡虎雕龍非末技。
白蟬黃妳是知音。秋風不管杜陵瘦。戶外誰聞梁甫吟。
日暮延襟何處好。蒼苔濁酒碧梧陰。

城上西風咽暮蟬。城中客子坐青氍。松雲墮地垂垂綠。
檻月依人故故圓。赤驥商量千里足。黃門驚恐二毛年。
邯鄲未醒浮生夢。雄伏雌飛擬問天。

東箭南金慙品藻。酸風凍雨濕冠纓。臣才未逐松筠老。

海秋詩集

卷二十

八

世路難驅躡。頽行浩想賈。生多涕淚每。談諸葛足聲名。
人生豈得徒。詠綵筆。應須策太平。

裘馬清狂燕趙間。傷心夕照倚闌干。九秋木葉飄零易。
萬古才名管領難。博物蔡邕宜自保。清談殷浩總堪歎。
迢迢香漢非人境。健翮誰當九萬搏。

歲暮雜興

宣武城西十數椽。天寒歲暮客心偏。青州從事杯觥好。
蒙邑先生夢寐圓。卿相未知三策稿。春秋已近二毛年。
只應漫滅懷中刺。誰送楊雄上九天。

徒倚西郊送落暉。白鳥青雀趁斜飛。樓臺缺處數峯見。
霜雪封時一徑微。嗜酒步兵何日醒。絕交中散與時違。
兒童催打細腰鼓。擁膝謹叟無是非。

九九長安粟烈寒。卷階風葉浩漫漫。朱門戚里無消息。
赤脚長鬚有肺肝。一盞鷲黃名士酒。百年魚菜腐儒餐。
飛騰更欲求勾漏。未就丹砂事可歎。

物換星移幾歲時。吟風弄月總如斯。窮愁志在休經眼。
安樂窩中豈夢尸。天地有情還故我。秋冬無事足新詩。
瓣香最欲宗陶阮。逸氣飄飄信所之。

海秋詩集卷二十

九

骯髒儒生三尺劍。徜徉京國十年期。才名未老乾坤大。
詩句非狂風雨疑。只有杜康如我意。莫將梁甫向人悲。
雞蟲得失渾閑事。付與艱難兩鬢絲。

歲時歌舞憶荆湘。土俗纏綿蜡酒香。烹割雞豚供吉利。
竈神驅除疫癘仗金剛。十年涕淚頻佳節。萬里江湖有故鄉。
草草爲官年齒長。幾回顛倒舊衣裳。

贈林少穆方伯卽送其之湖北

右軍筆力本崔嵬。曼倩詠諧亦妙材。海內英奇半來往。
民間疾苦獨裴哀。梧桐鳳羽聲名久。江漢鯨波父老哀。

側聽鄂城公走馬家家親手刈蒿萊

周芸臯觀察惠讀襄陽集因題其後

東觀人材五馬行政聲筆力兩崢嶸行車問俗桑麻足
揮塵談詩風雨驚峴首蒼涼悲斷碣習池跌宕倒清觥
神仙太守吾能說肯以文書累性情

集中句云人疑太守是神仙

經故居感事 并序

舊廬繫西城偏火之旋更新之同年生周鞠存
居焉余旣泣然念遭難之可駭又嘉鞠存不牽
于世俗之忌諱也不能無詩

海秋詩集 卷二十

十

斗室踉蹌一炬焚弱妻稚子淚翻盆摧頽肝腎有餘痛
驚恐比隣難再論巢認雕梁啼過鳥天留老樹鎮黃昏
今君涉自成詩趣藉草鋪花自闢門

寄胡鏡塘師時師通判晃州

衣帽蕭爽涵初日民社經營領一州政似老嫗餵少子
官如窮海著扁舟魚蝦小市供朝飯城郭西風咽暮愁
世上夔蛇何用問陰風弄月不知秋

與內子瑞華敘事抒情入章

瘦影伶俜怯見秋西風吹雨上簾鉤手調藥裹元多病

面對菱花只解愁雲滿一枝簪影活天寒九月杵聲柔
流傳只有詩家婦每誦秦徐句未休

十指琴心無限端天涯蓬鬢鏡中看祇言夫婿非凡骨
不怨人間有冷官三賦未輸鸚鵡健千金擬贖鸚鵡難
番憐范叔今如此小語秋風尚未寒

曾攜稚子滯揚州

瑞華攜阿東入都會因舟廿四橋邊
航淺滯至揚州快快復返

一片秋江北江南楊柳岸人歌人哭木蘭舟當時烟水
知新恨今日風光散舊愁清曉捲簾花婀娜俱飛蛺蝶
上釵頭

海秋詩集卷二十

七

一種心情一種清不施鉛粉得天成篋餘匹絹量新剪
燭結雙花覆短檠天上有簫吹紫鳳人間無夢打黃鶯
百年爭得團圓好小院迴廊拍手行

白白朱朱花簇簷本家粧閣水精簾少依保母鳴環佩
長爲黥婁數米鹽智慧太多成髮薄艱難如許上眉尖
五年夢落熊羆外續續明珠掌上添

舊時厨下試羹湯青筍紅魚紫蟹香永夜思親在湘水
虛名累汝住他鄉芙蓉帶裏腰圍瘦翡翠裙邊秋葉黃
風火每思人日慘雞鳴旦旦淚霑裳

澹粧雅服坐深堂。藥竈茶鐺次第將。庖膳好供三歲醞。
院墻親種五株桑。卿雖紅粉諳生事。我與青燈溯古香。
若遣垂頭問錢帛。著書安得倚繩牀。

老萊有婦好躬耕。顛倒攜家向薊城。翟芾尙遲偕老約。
鮎魚空寄上竿情。官非厚祿攀援苦。家有名田憂患平。
與我退歸資水上。百年對挽鹿車行。

八月十五夜無月

多病懶撞金石韻。中秋欲倒玻璃觥。如何今夜風雨暗。
不放天光河漢清。萬里音書滯荆楚。十年顏色瘦幽并。
海秋詩集卷二十
慣呼明月爲知己。未解行雲罩畫楹。

七

夜半見月用前韻

人間何處非棋局。夜月無端上酒觥。噉爾雲烟工搏拚。
垂天光景總澄清。東鄰紅燭張高譏。西舍寒砧出晚聲。
萬古今宵同顧盼。細思物理倚欄楹。

檢近詩呈唐鏡海先生

弱冠無詩深自悲。楚騷未可墜如泥。欬思拏筆雨風快。
不顧瘦生顏色驚。氣浩心沉摹杜甫。詞麤骨勁抗昌黎。
辛勤計日百篇就。黠竄煩公雙管齊。

天地閒官無住著。詩騷小技且雄爭。要呼活虎生龍出。
不放青蛙紫蚓鳴。鎮日高歌泣神鬼。冥心獨往避聲名。
休論壇坫一時事。自寄江河萬古情。

贈唐鏡海先生

十丈塵中富貴酣。清風老骨獨巉巖。百年彈指從貧病。
萬卷填胸畏謗讒。雨逗短檠吟蟋蟀。秋先古寺撼松杉。
忘年一笑春如許。媿我平生狂未芟。

天子非常憐汲鄭。先生佳政薄龔黃。

先生以御史言事左遷員外特簡昭

州太守

宜懸旌旆羣公表。豈謂風塵兩鬢霜。素食單衣秋

海秋詩集

卷二十

三

嫋嫋高山流水意。茫茫升沉耻問君。平日飲醇醪。醉未妨。

再贈唐鏡海先生

飽讀羣書鬢髮老。半生羈旅雨風孤。燕齊楚粵天青紫。
猿鶴沙蟲人有無。年少或能欺杜甫。道高端不泣楊朱。
悠悠弄月吟風意。茂叔何曾是腐儒。

詠懷簡唐鏡海先生

小小深懷攬轡情。栖遲粉署媿平生。未堪簿領遮雙眼。
故倚詩篇擁百城。浩想無端烟雨幻。長歌一放古今橫。

老成似喜才人筆許我春風曳杖行

登樓

城上飛樓樓上情。側身縹緲與天平。西來林麓橫蒼靄，東走滹沱混太清。四塞河山千鳥外，萬家風雨一秋聲。登臨無限傷心事，華髮蕭蕭變幾莖。

送唐鏡海先生守粵西

封侯意氣老彌慵。此去栖栖桂嶺中。遂使農桑諳杜母，故應禮教拜文翁。青燈萬卷爲民物，白髮三秋自雨風。省識別離無限意，尺書萬里託征鴻。

海秋詩集卷二十

古

簡友人

昨夜秋風愁殺人。西山木葉下紛紛。久纏疾病心猶壯，不走侯王名自聞。地湧泉源吞萬卷，天開筆陣掃千軍。試從甫愈窺曹謝，未易詩箋富白雲。

袞袞風流白紵袍。一秋相對飲醇醪。飛霜撲面人如玉，急雨催詩筆走濤。心刻浮華方見骨，不工感慨豈成騷。江河日下狂瀾倒，青眼高譎望爾曹。

秋夜

秋夜夜深秋氣清。秋心如水淚縱橫。丹楓紫菊娟娟色，

瘦蝶寒螿。瑟瑟情風。雨。刪。詩。雙。禿。管。乾。坤。作。客。一。孤。榮。
明朝莫訪君平卜。市上香醪滿盞傾。

送簡夢巖孝廉

不羨貂蟬白玉簪。投壺散帙自酣酣。三年詩社交天下。
一夜鄉心過嶺南。滄海白雲飛釣艇。羅浮古屋鎖秋嵐。
知君笑我爲官在世上。酸醜祇飽諳。

破帽青衫寸寸埃。天涯攜手共登臺。狂譚世事兼歌哭。
豈料秋風妬往來。落葉迷離元亮徑。短燈蕭瑟步兵杯。
去看南海濤聲大。正似離人淚落哀。

海秋詩集卷二十

五

西城遇雨

容臺人散車旋轉。宣武城西天泱泱。紫電跳魚衝岸怯。
黑風吹馬噴沙。驕悵懷遠道。迷親舍。謾想奇文蔚。
聖朝滿地梧桐知我意。不堪秋色雨瀟瀟。

感秋一首柬徐熙菴王柳溪兩給諫

秋色愁人興欲闌。庭莎院草露漫漫。不知何處梧桐葉。
故著先生獬豸冠。寸管風霜工起草。百年葵藿此輸丹。
爲郎未得排閭闔。落日黃雲有所歎。

莽莽天涯寄此身。風流來往側烏巾。攤書跌宕雲橫几。
挾句推敲月趁人。梨棗均勻兒女大。酒肴澹泊歲時新。
天真爛漫知何似。杳杳桃源物外民。

輓戴教亭比部

皚如白雪直如絃。長者平生最可憐。門對郊原雲澹澹。
衣披藍縷雨娟娟。高情顧我干人外。好語聞君十日前。
愴矣安仁宜作誄。揮毫淚落不成篇。

天黑漢陽彫二妙

易石坪學士
葉雲素給諫

霜號雲夢有餘辛。栖鸞

枳棘遲毛羽。詠鵬庭隅泣鬼神。青眼高歌惟老友。斷橋

海秋詩集卷二十

七

卧柳總殘春。若逢地下袁員外。
稚山木壤山頽慘殺人。

郊外尋花

東風日日喚愁生。且約東風一出城。阜莢樹前來白馬。
海棠花下坐黃鸞。眼中邱壑皆詩趣。春滿乾坤亦世情。
借問酒家何處好。醉收煙景入杯罈。

